



東岳集
九

咸寧錄
朝天後錄

卷十二

^16
2432
9



和
2432
12-9



東岳先生集卷之十九



咸營錄

崇禎四年辛未夏四月二十八日辛未

以刑曹叅判因備局首薦拜為咸鏡道

監司

江都出守幸踰涯八貳秋官本不期方懼一資

瘼薄效旋驚三使玷殊私塞雲壓地龍連閣關

嶺參天鳥道危此去驅馳杖鉞鉞老身甘分死

奚辭是歲三月十七日以江都留守時專時

使時命加資仍陞嘉義觀察使例無水軍節度

使故云三使

東岳先生集卷之十九

五月十七日庚寅朝詣 闕拜辭乃於
承政院捧教書密符而出 內賜臘藥
七種胡椒五升漆油扇各二把等物并
三累印封

彝食趨朝趨曙鍾牙璋捧出辟門重 細書一
札絲綸煥 殊錫三封雨露濃吏術直思先補
弊軍謀終冀永除凶鐵關火日燒天地丹烟偏
忘白髮鬆

豐田三釜淵用清陰金判書尚韻

溪遊畏深揭山行怯峻陟老來力實倦計脚不

計日孰云大道傍一壑歲三曲懸瀑劈蒼崖白
日轟霹靂遠訝拖縞練近喜散瓊玉八谷繞亭
午臨潭至昏黑涼颺助澎湃空翠成霖霖逸興
忽雲飛常戀都水釋理屐方悔遲迴轄翻愧促
苔巖五字句百年烟霞約

金城縣苞桑閣用板上韻

三十三年內巋然舊畫堂劉郎四喪去楚客一
悲涼屏翰分符重麾幢出塞長平生徇國志八
百孔明桑

用乙丑夏舊韻題淮陽府壁下

七年重上此山樓尚記關河萬里愁當日南冠
今玉節 聖恩如海浹先流

辛未五月二十五日戊戌發准陽府踰鐵
嶺宿高山館翌日己亥憇南山院次安邊
府道中之懷

二百年來此謫居幾人能得擁麾旗却慙雄府
今留守曾晒鰲州故判書鏡角動天馳導騎吏
岷闐陌駐行車國恩欲報深如海老病孤臣計
策踈 洪汝諱曾謫鰲山放還後按本道遠拜判
書余前謫鏡城今以前留守按道故云
安邊府舍有懷洪參判 景望

余於天啓乙丑春自鏡城謫所量移洪
川夏四月來過是府景望時為府使今
見一境四面各其里中皆立善政去思
之碑

匹馬安邊府流鶯乙丑年白鬚遷客困青眼使
君賢榮戟初臨日壺觴舊別憇村村一片石遺
愛見新鐫

題安邊館東軒
辛未五月十一日己丑 車駕出郊禱
雨天壇厥翌日庚寅詣 闕拜辭而行

東坡集卷之二十九
及踰鐵嶺炎旱增甚田畝盡拆農人釋
鋤無不焦愁乃於高山驛館移牒各邑
減損厨膳十分從簡朝夕飯案只設數
器嚴禁酒醴一切勿用省浮費節日供
別立科條以示遇灾恤民之意云

北關符節下銀臺 車駕南郊禱雨迴烈日天
中仍爍石良田嶺外半飛埃初臨候館蠲餐案
旋向賓筵撤酒盃莫恠朱轡殺風景蒼生感頌
正堪哀

奉贈德源閔明府男潤甫無示安邊沈明

府

子順

開公以廢朝時攝資以五級以前刑曹判書

為養乞
外出守

盤龍山下海城虛駕鶴樓前野戶踈位列三階
新輔國班躋八座古尚書兩家子爭先同榜一
巷東西早接問鸞鳳可憐栖棘地不堪鴛鴦玷
軺車

五月二十八日辛丑朝發安邊午憇德源
府夕次文川郡是日天雨喜甚戲詠用東
軒板韻

亦曦如火野無青蟻戶初封水鶴鳴坐笑郡人

相賀語兩師今逐使軺行

高原館用板上從姪汝固韻

曉天旌旆獵時暉驍騎前驅擁鐵衣忽憶南冠

北走日白頭堪笑夢疑非

阿咸才似謝玄暉雲錦鵬盤學士衣老子亦持

三使節百年吾道未全非

定平府館用板上月沙李相國韻

寵辱三朝際星霜北載中青袍曾佐幕皂蓋此

觀風事終身全老詩留跡未空翻思遷謫日送

浹曉鶯工

萬曆己亥秋曾以評事來過是府天啓甲子夏謫配鏡城又過於此

定平道中有懷李承吉進士薰

細柳千丁路新鶯四月時曾從謝守醉獨慰楚

臣悲物態窮方見人情老始知今來碑頌德駐

馬益相思

天啓乙丑四月之初余自鏡城來過定平府伯李士薰設酒饌以慰士薰

遠歸之後邑人為立德政碑於草原路旁

辛未六月初二日甲辰入咸興府

嚴城伐鼓啓晨門豐沛名都控瑜藩八百青衿

迎鳳冊三千紅帕引熊輔禦戎葺壘金宗瑞興

學崇儒李繼孫坐展初儀訪前躅鶯才誓不負

鴻恩

題豐沛館壁上

萬曆壬辰夏海賊之亂余家奔竄來寓
利城時余年二十二歲己亥夏擢茅秋
拜北道評事時余年二十九歲壬寅冬
除端川郡守癸卯春上任時余年三十
三歲天啓甲子春竄鏡城時余年五十
四歲今則余年六十一歲故戲綴五十
六字以志之

二十二歲老書生磨雲嶺下來避兵二十九歲
新釋褐豆滿江上從軍行三十三歲守端郡五

十四歲流鏡城擁節如今六十一仰天大笑天
日明

六月二十一日癸亥題樂民樓

余以隆慶五年辛未六月二十一日生
迄今崇禎四年乃換甲也時遇旱荒繼
以軍興謝絕賓僚不敢開筵自朝至暮
悄然獨坐於樂民樓上詠懷書事以自

遣云是月初四日奴賊二萬騎直渡鴨
綠江來屯於織山宣川之境將欲
攻襲檄島初十日分遣宣傳官下諭八
道徵發軍兵以為安州守禦之計奔道
南關軍抄出三千人兵使率領馳赴
西路故中外恟恟無不荷擔而立

一從隆慶迄崇禎辛未年周六袞盈日月又臨
吾以降乾坤偏放爾之生明達節鉞新方伯異
域城隍老安卿却倚樂民樓獨坐憂時不敢舉
孟觥

老身扶疾強登城今歲曾從是日生官重按廉
新使節地雄防守古軍營八方大旱頻祈雨六
月多虞急點兵遙仰 聖心宵旰切賀賓終不
許逢迎

新鎮方隅建綵旃鬢毛如雪正垂肩三庚日直
初生月六甲星周本命年西塞尚聞經賊壘南

樓誰忍敵賓道老翁矍鑠心猶壯汗馬惟思早
著鞭

四十年中萬歲橋自從題柱幾鳴鑣青蕪止接
黃雲闊白水南通黑海遙避賊投荒經否運叅
戎理郡際清朝山河此日渾如舊坐愧霜毛映
玉貂 鳴一作揚

寄送金叅議 善景徵以冬至使赴北京

愛君清瘦不勝衣一寸心雄百萬師多士朝廷
瑚璉器近臣門戶鳳凰池舟航遼海乾坤闊壁
壘燕山日月遲執玉此時甘奉使只應新句徧

華夷

登樂民樓

背郭層樓切太微女真區域八邦畿野分巨浸
東南關山接窮荒表裏圍一府地形秦虎視六
陵王氣漢龍飛平生報國丹心在白首憑闌對
夕暉

樂民樓用故松江鄭相國絕句韻

客愁何處極關路此身遙在海上三韓國成山萬
歲橋

胡地雲中近秦城日下遙誰憐四十載五度比

官橋

樓對星河近城臨海岳遙古今關北路歌哭郭

南橋

以鷄兒三十首加佐味魚一百尾青鼠毛
筆十五枚油煤墨十五笏分贈文會堂諸
生時令學徒姑停製述先讀古文以為日
課故未聯云

三十黃鷄百鰈魚文堂一慰嶠山蔬抽毫只待
題詩數漬墨寧教作賦踈莊屈馬班真膾炙典
謨風雅本蓄畬莫嫌新課勤相勗肄業須先讀

古書

寄贈吉州金座者景憲崔座者命仁李校
生克誠金校生益謙

長白山前訪楚囚
共昇清醪宰肥牛
百年高義知奚負
一飯平居擬必酬
旄纛未離秦地曉
里間先指言城秋
只愁竹馬爭迎日
河潤終非郭細侯

寄贈吉州儒生亨克誠克謙克敬克一克
紀及六珩士瑀士琚士璜士玖諸昆弟子
姪

逐客曾經鏡府春
吉城諸李最相親
逸才珩瑀琚璜玖
俊氣誠謙敬一純
父子弟兄無叔姪
甲丁壬乙與庚辛
至今夢繞臨溟館
賓主團樂夜徹晨
五六叔諸君
族次年甲

寄贈鏡城漁郎里諸人

憶昨孤臣北竄時
塞城南畔斲茅茨
風沙萬里愁誰語
雨雪三冬病不辭
幸賴酒漿拚夜醉
剩分盞米救朝飢
諸君重惠終何報
七載空慙一首詩

問訊漁郎社四隣
勞歌一闕幾經春
誰云北界

巡宣使却是南坊竄逐臣玉節金戈榮耀日茅
簷木榻病纏身只應旅館相迎地賓主俱疑夢
裏人

辛未八月初二日癸卯發咸興府行到咸

關嶺上作時出巡此路列邑將直抵慶興府而還也

北出咸興走慶興置郵相望邑相承一邊瀚海

千層浪三面陰山六月水傍塞野墟民戶散隔

江沙磧虜氛凝擁旄秋石觀風去黃髮東公病

茂陵余號東岳故戲自稱曰東公云

洪原館用板上韻

月出東溟近山連北塞多楚臣當日淚潘縣此
亭花玉節銜恩重金城問俗賒滄浪孺子曲
不復愧蹉跎

北青館奉贈節度使尹璠令公

北來憔悴酒全休今日南營爛熳遊農扞野田

秋雨足虜奔沙磧曉氛收瑤琴彈破壬辰汾鐵

笛吹空甲子愁四十年間身五到節麾無賴雪

蒙頭

居山驛用板上韻

麻鞋曾避賊玉節此臨邊野斷雲生浦蹊回草

覆阡當時萬事裂誰謂一家全古驛題新句留
為盛蹟傳

過故廉座首

係所居在端川郡南面

手裁花木繞連隅廉老高齋勝畫圖惆悵楚臣
曾一宿建牙重到主人無

題端川館

磨雲嶺下是端州父老爭迎擁道周共說古來
諸太守不聞終作此元侯旌麾獵日七河曉鼓
角轟天草木秋二十八年三涕淚母恩君寵
未全酬萬曆壬寅季冬余拜端川郡守癸卯仲春上任甲辰仲秋以親年七十二呈吏曹

遼陽閏九月丁太夫人憂歲中二月宣祖大
王昇遐庚申三月遭阡生先妣喪故未懸云

辛未八月初十日辛亥踰磨天嶺次吉州

城津鎮題朝日軒用板上叅議姪植韻

誰等關城比海津吏民驅石至今真雖云地勢
濶三面頗奈人居絕四隣突騎若教彌曠野孤
軍那敢守重關况聞近水困倉潤萬斛終難貯
一春

奉贈吉州牧使金榮祖孝仲

每憶新安館相逢甲子春朝廷再戎服關塞一
儒紳青眼悲歡地丹心寵辱身孤城秋月滿旅

鬢各成銀

朱村驛用板上故都巡察使柳川韓相國

韻

相公詩釘壁關路客銷魂曆日隨九藥累臣寄
峽村風流謝安石文彩陸平原東閣今冥漠穹
碑照北門

可憐胡地月曾斷楚臣魂甲子年清節漁郎社
古村暝生極浦秋草沒高原七載身重到鄉
人擁戟明

辛未八月十五日丙辰憇永康館次鏡城

府

鏡城曾是我長沙幾望天閣更憶家萬死只甘
埋瘦骨七年誰料建高牙鼓輦動地閭閻靜旋
旆連雲壁壘賒此日寵光同畫錦新詞留與塞
翁誇

奉次鏡城判官李姓熙遠韻

北界軍營鏡府中弁韓疆域女真東明時未作
青雲土古塞重來白首翁日月星辰天位正山
河草木地機椎登臨却喜身無事萬斛觥船一

空

鏡城東軒用柳川韓相國韻

左手牽黃右臂蒼身騎龍翼佩魚腸常思入幕
留孫楚幾見揚鞭問葛強晚暑盡衣曾去國新
持金節當還鄉平生俊氣今猶在一鼓轅門引
十觴

發鏡城赴輸城驛道中口占

秋風吹角出重城鐵騎交馳盡戟橫長白山前
九官路大明天下一書生青衫昔逐牙旗到紫
綬今持玉節行霜髮滿頭心尚壯誓清沙漠立
功名

富寧館用板上韻

六鎮人聯界三韓舊拓邊城依山塹曲樓歷洞
天圓藩屏旄初擁詩書札未穿終期樹功業辟
穀要登仙

會寧館用板上韻

秋夜胡床獨自踞南樓極目北辰居二千里外
新持節三十年前舊掌書葛相李來方管樂漢
廷誰復數嚴徐直將長策酬 明主擢徑如雲
韎鞞壙

鍾城館奉贈趙明府

廷亮 仁甫

秋草荒涼古虜營
朔雲垂地斷人行
老儒心杜
鐘城近 明主恩深鐵嶺平
千里送迎三夕駐
兩翁先後一年生
玉京何日重携酒
却說天涯
此別情

穩城館用前韻

乃余為評事時所題也

人世浮生本有涯
幾時天地再清夷
十年中國
干戈盛六月邊城
鼓角悲社稷憂深
那把酒關
河身遠又題詩
丈夫慷慨平戎策
行斬名王獻
玉墀

慶源館用石上韻

佳氣如雲此鬱泱
孔州開府古邠鄉
壤分陶穴
邦基遠若接穹廬
廟筭長晚歲寒
帷臨隴右清
秋拔劍望遼陽
直思西蹴天山
倒四派江流屬
一疆

上國遼東廣寧等地時皆為賊所據白頭山上有一潭分疏為江者凡四派

撫夷堡用前韻

曾提一劍出咸關
三十三年杖節還
紅日曉生
青海岸黑雲秋捲
白頭山

辛未八月二十九日庚午題慶興館

秋日微涼宿雨晴
曉天鏡鼓啓郵程
輕裘緩帶
三營館大纛高牙
六鎮城南道
控戎郊外待北

關諸將陣前迎宣威敢歎驅馳遠直欲澄清答
聖明

辛未九月初一日壬申發慶興府憇阿吾
地堡宿德明館翌日癸酉迴到鍾城行營
書于營廳楣上凡諸使臣行歷六鎮各邑
守令例以雜穀計戶分給令眷作米釀酒
納官以供一行之用名曰眷酒又以新屬
軍丁之牛不問貧富稱為免身行禮抄出
糞入屠殺需用名曰禮牛此乃邊塞鎮堡
軍民巨弊故行文列邑一切禁斷輒賦長

律留示後來諸君云

古來鞭撻極誅求六府生靈地一限苦節直教
淋吏懾仁風終遣悍官羞忍看瘡戶收眷酒惡
說疫丁納禮牛宣化屬城行已遍俚言留警此
分憂

九月九日節度使李令公沅邀宴水中臺

蓋為余謫居時行吟之處也即席戲作書

贈都事木君澤之鏡城判官李君姓熙

遠輸城察訪李君和濟而仍示漁郎里中

諸人

孤臣此地誦離騷
濫被鴻私擁節旄
萬里海山還訪舊
九秋風日又登高
銀臺學士吟搖筆
玉帳將軍坐握刀
醉插黃花詫鄉叟
汝曹曾見幾英豪

烽燧西關息繹騷
北臺登眺引旌旄
瓊造近壓雲溟闊
綉幄遙臨雪嶺高
二八佳人鳴趙瑟
禪榻壯士舞吳刀
重陽此會真堪畫
四座賓僚一代豪

辛未九月初十日辛巳宿漁郎里崔座右
蘭秀家里中四十餘人各具酒饌固請留

宴興樂飲三晝夜
十二日癸未宿明澗里
朴座者純一家
醉出詠懷題于壁上

北行馳傳此閑遊
曾戴南冠作楚囚
琴筑鼓鍾喧野帳
綺羅珠玉耀官樓
一年明月昌黎夜
九日黃花子美秋
萬斛葡萄兩令節
天教洗盡舊羈愁

菊花佳節啟華筵
士女闐門咽管絃
黍稷稻粱新隴畝
牛羊鷄犬舊閭廛
凭熊此地留三日
對鵬當時過一年
醉脫接羅歌拍手
寓公終荷里翁賢

洪原道中聞趙叅議善述亡

六十年無一故人君家兄弟獨相親
咸關落日秋風急手拆京書淚滿巾

趙善述挽詞

爾我兩兄生一丁爾士還接我幸生自黃口住
東西里及白頭踰骨肉情夏日共嗟經寵辱秋
風誰認隔幽明天涯痛哭未執紼坐想我兄扶
爾兄君仲兄氏與我仲兄氏並生元隆慶丁卯之歲余幼時與君住京城西門外
西漢揚雄賦南朝謝眺詩天才不世出國器與
時違昭代雲霄近窮途郡邑卑六旬縲紲再今

日轉霑衣

卓魯能名屈宋才生為卿相歿猶哀那堪六十

前叅議薤露晞時菊正開

君以九月初八日逝

巡歷列邑書考驛奏後作

火輪燒夏雪飛秋四牡馳窮二十州
調出米益詢襪襠賞分弓矢閱貔貅
政清似水饒官愧令肅如霜詰吏愁
書奏殿郵行闡化寸心終不負宸旒

叅議姪汝固出宰杆城詩以慰之

用前日見寄韻

銅魚符棄鳳凰池只為公嗟詎為私縱道高堂

便小邑忍看佳士屈明時清標拔俗神仙骨健
筆凌雲幻婦辭更作竹林遊幾日鐵關秋盡髮
絲垂

附原韻

江湖廊廟兩差池藩閩方知荷 寵私塞國
已非乾淨地衰年詎是別離時欲留陽子言
無補追送荊州罪不辭只有青門路傍柳歸
時偏對淚行垂 再從姪植

鄭舍人子容求白羔毛送以青鼠尾筆

鄭公瑚璉器岳立冠人曹俊氣時中聖高詞僕

命騷試看青鼠尾何謝白羔毛佇待投新句關
城別夢勞

次宋鎮安子深見寄韻

漢陽城畏日宣德鎮嚴霜每憶催分袂何時更
對床江湖身爾白鎖鑰髮吾黃益米無因救徒
吟錦綉腸

府舍菊花初冬盛開用故松江鄭相國絕
句韻

謝傳何年按節來獨留佳句比池臺八方已絕
蒼生望依舊黃花十月開

贈惠雄上人用軸中前韻

塵事如雲心自知鹿門歸計久參差鎮東軍館
笑相對師不負翁翁負師

雪中遣懷

一雪經旬萬壑平北風吹撼古龍城朝思海戎
屯兵伏夜念沙場邏騎行閉戶只甘披短褐擁
爐那忍舉深觥雄藩此日身無補坐愧踈頑負
盛明

辛未十一月二十日己丑引疾陳情上章

乞罷自 上特命以卿其勿辭安心察職

回諭閏十一月初二日辛丑有旨到營

梁獄鄒陽楚屈原却持鉄鉞守藩垣士安

皇甫謐字

本自嬰風疾即墨那能避毀言微懇只祈歸土

室温綸誰道下天門撫躬汗浹心增懼尸素終

難答 異恩

尚全上人來貽杆城縣監姪汝固書及詩

次其韻却寄二首

地僻咸關內天寒臘月初衝風鳴棟宇疊雪擁
塔除老愧持龍節閑思駕鹿車全公此日到手
把仲容書

朔雪羈愁極炎天別夢初北門叨重寄東縣屈
新除塞路分天塹溟波接日車幾時俱解組歸
與樂琴書

附原韻

北塞開營日東瀛宰邑初相望關海永一別
夏秋除嶺雪迷行棧江水阻傳車聊憑白足
力奉寄數行書
再從姪植

寄李正郎賤志彈琴

一別江都夜湖鄉過幾秋至今如隔世無復作
隣州縲紲真非罪樊籠尚自愁上二桐枝酒高

義未能酬已君宰喬鄉枝釋莫祭後送福酒
見慰故末聯云

淮陽沈明府親送酒前數日安邊沈明府

曾惠蟹

歲暮無因散旅懷雪中孤館坐如齋風流此日
翻堪誇左手安邊右手淮

以智陵奉審馳詣安邊發咸興次定平夜
坐述懷用前韻

首路安邊宿定平一冬冰雪六官城乞歸未遂
身閑計祇役還催歲晏行凍卒詐諳眠錦褥飢

氓誰許酌瑤觥中宵無限關心事手剔孤燈坐
徹明

定平府館復用板上月沙李相國韻

平楚孤雲外羣巒積雪中官城有高閣驛路幾
炎風啜茗松生韻哦詩月轉空今宵堪入畫紙

筆問誰工余曾於夏月屢過是府故第四句云

高原郡館對李太守景明之寄簡李校理

景子方學士子方乃明之弟也時因工製作皆待罷

我本迤陵幕下人諸郎玉樹宿心親牙門鼓角
咸關曉盡觴笙歌淚水春小阮當朝真小杜元

方此日是元賓一賜恩謹君何歎者取東川萬

死身天啓丁卯春初余在東川縣一君以御史來到原州故未可云

安邊府使沈判書子順壽宴席上率題長

句庸述盛事公之太夫人春秋八十有五歲公之年六十有三歲公之子

仲氏親官陞通政時為淮陽府使公之子
滄撰東龜時來侍側有四男兒公以刑曹
判書上童乞養而來故後篇云

雪晴公館暖如春絲管司天粉黛新卿月遠臨

都護府壽星高捧太夫人曾玄兒列肌皆玉八

十年踰鬢未銀手獻九霞觴拜賀尚書家慶冠

朝紳

八袞親隨六袞兒青雲器出白雲司養才列鼎
輸誠孝榮許專城荷 寵私兄弟却聯金虎重
子孫仍繼石麟奇建牙此日真堪詫霜髮升堂
捧壽卮

奉次沈明府子順壽席見示之韻余於是
日竊增風樹之慟不覺泣下故篇內及之
老萊堂上開笙歌其奈皁魚血泣何盛閣鳳毛
元自繁慈闈鶴髮未全皤稱觴上壽羅群彥秉
燭窮歡集少娥父子弟兄瞻四美兩朝允賀育
菁莪

發安邊還咸興道中遇雪

鶴城西岳玉嶙峋鶴城山在安邊府西凍合龍興江北津

熊軾撒蓋高郡高郡原隼旗縈絮德州晨德州原

籃田關外馬前路灞水橋邊驢上人千古乾坤
一鍾雪好懷都屬此閑身

歲暮寫懷

榮戟排門案牘稀燕居何事減腰圍天寒正愍
邊城凍歲惡偏憐下邑饑自是官高任亦重其
如才薄效全微 盛恩難報孤身老坐愧松楸
久未歸

東坡先生集卷之九
壬申元日 濬源殿行祭禮畢示執事諸

君

先壬申屆後壬申二百今加四十春岐邑沛鄉
原廟古舜瞳堯顙睟容新山河磅礴儲佳氣
黍稷馨香薦令辰恭遇太平開國歲小臣偏喜拜
元晨

濬源殿元日祭後用叅奉廳壁上故西平

府院君韓柳川萬曆壬子元日祭真殿韻

恭惟 康獻大王真南面垂衣儼北宸岐下鳳

鳴周德盛沛中龍起漢儀新粉榆故社祠仍肅

日月清光望忽親神聖誕時多異瑞至今傳者

曆陽人

永興古號曆陽

元日發永興還咸興道中口占

鳳曆三元日熊轡一老身何堪關外雪迴作路
中人許國心如水臨民髮似銀遙憐沔陽野梅
蘂獨迎春

正朝奉寄吉州金牧使孝仲用前韻

三載離鄉國關河又一春儒冠屈戎幕州紱阻
朝紳流落嗟何事巡宣愧此身磨天重嶺外無
路共頌銀

君已巳冬以弼善除評
事庚午春移拜吉州牧

正朝得鍾城趙明府仁甫書詩以答之
苦憶鍾山老剖符元朝誰與酌屠蘇咸關嶺隔
身千里豆滿江分地一隅兵弱只應憂守禦歲
荒方自恤流逋忽看君札知君意絕塞經冬體
更癯

過歲朝後寄都事宋澤之以校生考講試
官時往吉州鏡城等邑

我正趨真殿君先赴塞城歲除何郡宿春到幾
州行隔嶺胡雲闊連天隴雪平異方同旅宦今
日意偏驚

自正月初三日至初五日大風且雪時與

慶源校生朴尚信年壬寅生端川校生李之遠

年丙戌生北青山人惠雄杆城山人尚全對坐

有作

壬申之歲月壬寅獨在咸山思漢津雲霧靈天
自昏曉颶風震地無冬春新年五日雪三日遠
客四人僧二人試問今朝鐵關外苦吟誰似老
夫身

正月中連日雨雪獨坐有感

向老全無興開年每自悲况云為客地不及在

家時塞嶺撐天聳關雲接海垂月正連日雪空
復病支離

壬申正月十四日壬子復以病狀辭是月

七日祗受有旨又以
勿辭調理察職下諭

三歲于江一歲成聖朝無補愧頭銜未敷惠澤
蘇民瘼誰闡嚴威黜吏饒身老詎堪纏疾病性
迂那得脫讒讒逢春只乞休官去不向南川向

北巖余守江都任翁仍留至三歲而適今到才
道已十朔矣南川乃沔川北巖乃三角山

舍人巖也余家別墅一在沔川
那滄澤里一在三角山下故云

春初題豐沛館東軒壁上用故松江鄭相

國韻

穆祖開基肇慶源鬱蔥佳氣此黉門龍盤虎踞

興王九祝 聖新年捧壽樽

東漢君山晉巨源憶曾披褐早登門白頭今到

褰帷地萬事傷心酒一樽

次韻寄酬宋鎮安子深是日

新愁今又起舊疾詎能治大谷田三頃元宵月

一規出郊勞面別經歲憶肩隨鼻白山連海封

疆古赤夷大谷地名在揚州義興山下新
川之上鼻白山乃芝平鎮山也

以黃毛筆四枝大口魚三尾寄贈李判官

重汝涵

秋千寒飛雪春初瘴起嵐鐵關重嶺北益島大
江南遣興尖頭四加餐巨口三幾時重會面羈
鬢白毳毳

濬源殿尹參奉夏來傳造紙署前別提成

學學顏七言近體五首聊書此却寄

亂離消息苦難真世路浮生似陌塵即對濬

源參奉話常依造紙別提隣五篇俊逸清新句

八袞飢寒老病身關塞遠來方竢罪愧無濡沫

慰青鱗時余見許當路之人引疾乞罷故未聯云

次韻奉答鶴泉成別坐學顏

長白山連豆滿江朔風征旆颭高杠馬前沙磧

大羊窟天上玉堂雲霧窓一劍防身萬人敵三

軍司命百蠻降丈夫安用毛錐子嘗愧陳編對

夜缸

奉次雙碓李承旨尚輔見寄之韻

古鎮黃雲限玉除白頭朝署跡偏踈雙碓學士

空相望一代詞臣捲不如旌纛影翻沙磧遠鼓

鉦聲振塞垣虛星霜易改身多病却喜高文辱

起居

附原韻

臘梅開盡歲將除
嶺路迢迢驛使疎
西塞干戈猶未定
北關消息復何如
風雲晝接陰山暗
雪月宵通瀚海虛
應念少游平日語
幾時鄰舍賦閑居

雙磯李景奭

二月初一日乃宣祖大王諱辰也適見從姪杆城縣宰汝固元日寄示之作輒次其韻以志之

壬申社稷歷壬辰戊子園凌抵戊申元祀四周
幽谷曉中和二紀鼎湖春曾瞻翠蓋踰邊障

每憶彤庭列下陳
此日此邦翻破冢
神孫生聖聖生神

附原韻

金尺共聞統弁辰
璣衡即轉四壬申
漢家自有中天厄
周卜應過八百春
白首微蹤甘遠屏
皂囊封事憶前陳
清晨栢醕丁寧祝
大業重恢仰聖神
再從姪植

贈別都事宋澤之任滿還京

去年二月逢南郭
二月今朝背北關
身世不期同汎梗
歲時相代劇回環
黃雲壓地連青海
白

岳撐天礙黑山莫恠老夫頻勸酒上京空送暮
賓還

華筵三日唱驪駒一片清水貯玉壺雪嶺雲橫
關壘遠沙河木落驛亭孤獨嬰老疾臨殊域先
逐春風入故都鄭谷散人應見問歸心早憶李
鷹鱸去年二月始見君於鄭參議德餘之
家德餘時因事罷官閑居故未聯云

高山許察訪撰送野蒜山芥苦茶水蒿根
首翁等業率題以謝

府厨魚肉臭春到憶林臯野蒜包山芥田菜間
水蒿最冷烹首翁方信種葡萄老口偏加飯蒙

君念我勞

以江瑤柱十五箇鮫魚五十箇寄惠許察
訪春容仍戲示短律

昨日春蔬味能令鼎俎清平左許丁卯偏愛李
長庚志學江瑤柱知非石夾明郵亭彈缺日認
取留遷情

都事宋澤之行到高山驛枉書見問有戀
戀惜別之意以詩答之

送君先入古交州寒食咸陽獨倚樓老子方期
從此逝春城且恨與誰遊鐵關北驛流金日鏡

府南臺落木秋雨雪路中書滿紙兩鄉相憶一

般愁准陽古

壬申二月十五日癸未又陳危懇無以病

辭二十九日丁酉吏曹行文到營濫蒙

聖上洞察特以安心察任復降溫旨

阮籍平生禮法踈老年還作病相如北門鎖鑰

紆朝命南郡田園阻野居馳請罷歸陳闕狀拜

承申諭降恩書盛時不敢投簪去終恐河東因

毀譽

修學上人自沔川石水庵來謁

客欲南州去僧何北地來塵闌唯古柳鄉墅幾

新梅石水庵前麓松風院後臺白頭方謝疾歸

共卧蒼苔余家別業在沔川

贈別楚萍上人歸楓岳天德庵

地連邗府北天隔鐵關南楓岳平生夢萍師半

日談烟霞萬瀑洞水石九龍潭又負尋真約花

前雪髮鬢穩城古號邗城了

贈別鏡城李判官熙遠任滿還京

咸州城外柳條新正乞歸田此送人才子少年

肌似雪老翁多病髮成銀四時最好仍三月萬

事堪悲只一身催擊拓技頻舉罽彩毫留句露
心神

次韻醉留李熙遠學士

九十春餘一十奠梨花淡白柳深青
丁古府三關路萬歲新橋七寶亭
詩伯祗今稱謝朓醉侯誰復記劉伶
此時投轄堪留客漁父曾朝楚
澤醒

奉次玄洲李承旨漢昭道章見寄之韻

地遠桐花少天寒燕子遲
北門牙帳夢西掖錦囊詩
一疾經年滯三章逐月辭
沔陽春事晚歸

恨子規知避時自正月至于春
引疾三上辭章

附原韻

為報文章伯相思信使遲
春來勞遠夢塞外富新詩
幾發林泉興空吟栗里辭
休論多口謗只恃聖明知
玄洲

戲贈北坪事徐挺秀甫用李道章韻

白沙白如雪綠水綠於苔
萬歲橋頭路勞歌酒一盃

宜月亭前柳今朝碧似苔
三春愁裏過不得一舍盃

戲贈歌妓勝莫愁

妍歌一曲錦纏頭絕代佳人勝莫愁天外碧雲
留不散春風秋月樂民樓

壬申三月初十日丁未引咎謝病復乞鑄
免二十日丁巳始蒙恩適二十五日壬申

邸報到營

蓋去歲九月初一日發自慶興回抵咸
興二十日行過北青南兵使尹令公設
宴郊外乃慰道途之勞也酒闌相戲跌
足傷脚以致不悅者乘機造謗自冬月

以來連上辭章至於四度然後始得蒙
遞故篇內云

將相須和好獻酬誰言麴蘖作瘡疔是翁解折
元戎脚他日堪巢可汗頭莫比援鞍矜翼鑠只
甘投紱就優游古來積毀終銷骨一笑關河百
計休

四月初十日丁丑發咸興府書示餞行諸
人

歷夏經秋却背冬蟾虧十二杏飛蜂未聞列郡
懲豪吏徒見窮閭怨老農白岳豈如臣罪重青

春不及 主恩濃乞收骸骨空迴軫祖帳翻慙
躡古蹤

喜奚緣愛怒何憎渴飲飢餐寢復興室已無妻
唯有婢身雖在俗本如僧鬢根早作千莖雪心
地終非一片氷十二月中三百日只應踈懶見
人稱

留別咸興判官李有鳴吉

飭躬恭儉政偏寬御下無能事上官炎雨短宵
雷電盛翔風清曉雪霜寒三時必自勤監膳一
日曾無曠問安念子始終趨走地老懷臨別倍

悽酸

壬申四月十三日庚辰戲書以志

綠陰芳草雨初乾祖道元戎簇馬鞍咸府山樓
絲竹迥永州池館綺羅寒高提督後田提督鄭
判官前李判官兩歲謫時俱四月忽驚身事了
悲歡

高原東軒再用前韻

倦投虛館對殘暉行李蕭然一布衣萬事違心
早歸去丈夫身計未應非

幾上危樓送落暉 聖恩新許返初衣高州却

望關城路一醉秋風百事非

文川東軒用板韻

姝城春盡仰全青日午黃鸝隔葉鳴莫笑龍驤
舊方伯王危猶勝逐臣行

安邊道中奉答北評事徐然秀甫書

鐵嶺南關路瓊書北塞垣憶同徐孺榻慙匪李

膺門遠別須詩句新交費夢魂鏡城池與朴時

許共開樽鏡城枯生池朝海池一海
兄弟朴純一朴瓊父子

謹用故右議政聽天堂沈相國韻題安邊

東軒壁上留示交代觀察使金判書起重

胤蕪奉府伯沈判書子順

鐵門關北鶴城西開盡棠花草自萋野郭烟生

濃似織溪橋雨過淨無泥避風弱燕穿簾舞向

日嬌鶯隔戶啼誰念夕陽樓獨上驛程相待駐

歸蹄

朝倚丹樓到日西郭南烟樹碧萋萋四千里路

漂如授六十年身醉似泥鄉國落花蝴蝶夢塞

關明月子規啼黑龍江遠翻回首愧比飛黃跼

病蹄

金剛山雙巖上人來貽東陽尉樂全居士

書

風流跌宕東陽公老病支離東岳翁皆骨山人
捧一字萬峯雲樹鐵關東

題釋王寺溪閣壁上

石門深鎖古禪宮突兀層樓出半空疊嶂春雲
少晴日虛簷夏月足涼風是非世事溪聲外憂
樂人情樹影中見說興王遺迹在龍蛇兵過仰
神功

釋王寺用板上故芝峯李尚書醉韻

六白西峯望一迴北塞行老年顏每厚今日眼

偏明度壑薰花氣綠崖殷澗聲麻衣老尊宿共
出洞門迎

夜聽南溪雨朝看北岳晴苔橋稀馬迹柳檻近
鶯聲彥子禪心靜熙公法相清兩尚書舊韻忽

起百年情使乃雙度熙乃慧熙前府後並為判書

雪峯當日叩雲扃 聖祖龍潛夢乞靈此地應

教神鬼護諸天不解亂離經樓寒五月風生檻

殿潤三更露滴連蘭若老僧眉捻秀却慙蒲柳

望秋零

釋王寺贈慧熙長老謹用帖中故聽天沈

相國韻

禪翁釋王寺古帖聽天堂忽喜尋真界偏忘駐
異鄉詩中工部聖酒後翰林狂一笑平生事臨
溪了夕陽

王帳孫兵法金閨鮑謝文鼓喧青海月旗颺黑
山雲老衲驚初見禪龕愜舊聞悠悠百年計一
夜對云云

贈慧熙長老謹用帖中故鵝溪李相國韻
熙師年八十尚作不羈人南岳歸何日西林住
幾春青山一古寺白首兩閑身竟夕臨泉坐雲

嵐濕葛巾

贈三均上人

二十一禪房六十四衲子獨愛均上人誦經能
識字

贈雙彦上人

洞暝千峯雨堂寒一澗風岳僧相對睡心與境
俱空

對爾已三日向余無一言淙淙寺前水晝夜為
誰喧

石室三更雨雲殘五字詩岳翁今日意唯有彦

公知

贈瑩圭上人

四月尋山日三更聽雨時圭師不解事強索岳

翁詩

留別金都事顯浩浩

君於去年二月入為刑曹正郎而余以

本曹叅判四月出為方伯今三月二十

一日君以都事來到咸營而余即適歸

故篇內云君乃南原人也

北幕新都事秋官舊正郎狀元才第一湖右路

何長每歲如相避為僚庶勿忘異方分去駐臨

老意逾傷

席曾京未暖車又塞先迴水月生歌館烟花落

舞臺相逢三十日却阻九千盃後夜關心事山

高候角催

五月三十日丁酉行到鐵嶺馬上口占時

聞本月二十五日拜刑曹叅判

蟾光一十二攝攝三控辭章要避讒北路監司

已陳迹西曹叅判又新街空愁絕塞軍民瘁未

懾諸州守宰饒鐵嶺有神應笑罵畧無才格稱

朝衫

淮陽府舍有懷趙叅議善述用板上舊題

韻府民以鐵為碑
頌頌君清白之故

詩伯今歸白玉樓碧紗籠句不勝愁鐵碑三尺
淮陽路一府清名萬古流

金化東軒用板上清陰金判書尚韻

征驂暫駐夕陽低關北郵程入嶺西坐愛縣齋
人寂寂海棠花落子規啼

壬申五月初三日庚子行到金化生昌驛
得見郵報乃於四月三十日差奏請副使

率題以志

路上京書手忽開歸旌猶未到秦臺鐵關叱馭
巡纔遍遼海乘槎後又催早識死生元有命終
慙文武拯非才驛亭聚首驚童僕仰視皇天獨
自哈

贈無忍上人

欲求岳公句須認岳公心般若岡巖峻摩訶洞
壑深軟紅徒自誤衰白未曾尋心與句俱贈好
投名利吟

五月初五日壬寅入京城

東岳先生集卷之十九
余於甲子四月初四日發海村赴鏡城
謫所今以五月初四日來宿海村翌朝
初五日還入京城自天啓甲子迄今崇
禎壬申蓋九歲也
四月四日北竄路五月五日南歸人九年荏苒
幾千里萬事糾紛唯一身僕童纔喜入京國宗
族却驚充使臣極目溟渤拍手笑浮生真如街
上塵

東岳先生集卷之十九 咸啓錄終

東岳先生集卷之二十

朝天後錄

崇禎五年歲在壬申六月初一日丁卯
以奏請副使晨詣景德宮祇奉表箋而
行特蒙 內賜豹皮笠帽厚油紙胡椒
扇子弓箭臘藥等物及到慕華館遣中
使宣醞是日夕宿迎曙驛書事述懷奉
贈上使左叅贊豐寧君豐山洪公實汝
時兼示書狀官尚衣院正無掌令在溪
洪君鏞叙京求和教

拜辭金殿向瑤京
芝檢親承御手擎
鐘鼓下陳臨輦路
羽旄先導出都城
新題內笥頒珍別
遠遣中官賜醞榮
共仰聖心殫至孝
風波偏覺此身輕

帝庭專對簡時英
並入嚴宸捧奏行
麟閣圖形巍事業
烏臺執法凜風聲
思深敢憚程途遠
事重方甘性命輕
獨愧老身才轉拙
絲毫曾未補休明

宣醞禮畢行到弘濟院口占短律錄奉月
峯洪叅贊無佞洪掌令

北關芝函出西郊
桂醞宣畏途雖渡海
殊渥是朝天宦屈
班甘亞身衰齒忝先
平生忠孝志夷險
要雙全叅資生於萬曆乙酉掌令生於萬曆丙戌

迺曙驛留贈東陽尉

公子一杯酒老翁千里程
莫言遼海闊須識泰山輕

迺曙驛留別趙叅議持世

白髮三兄弟黃泉四死生
兩家今日別去住一般情

李承旨道章來餞迺曙驛用其贈別韻而

謝之

北歸千里客萬里又西行一壺郊外別方見百
年情

六月初二日戊辰次碧蹄翼日己巳次坡
州戲贈追送諸君

六十二歲頭如雪正值三伏苦炎熱高卧深簷
廣厦裏病暈尚憂呀不起驅馳况作朝天行水
陸七千三百里七千三百里中間水多蛟鱷陸
蛇豕去亦如此來如此故人故人其何似嗟嗟
故人其何似

萬曆己亥春三月余年二十九歲擢庭
試乙科夏四月之閏放榜秋八月以承
文院權知副正字授咸鏡北道評事庚
子春三月引疾請遶夏五月還京辛丑
夏四月以禮曹正郎差進賀使書狀官
赴 帝都冬十一月還京留十二日以
遠接使從事官抵義州壬寅夏四月還
京秋八月以禮曹正郎差試官抵清風
郡九月差按覈御史抵龍崗泰川等縣
冬十一月還京十二月以禮曹正郎除

端川郡守甲辰秋八月以親年七十請
適還京閏九月丁憂廬墓揚州丁未秋
八月以禮曹正郎拜洪州牧使冬十二
月遷東萊府使己酉夏五月引疾見罷
秋七月還京庚戌春二月授潭陽府使
辛亥春二月引疾還京而罷秋九月除
錦山郡守癸丑冬十一月移拜慶州府
尹甲寅秋九月坐事見罷冬十月還京
丁巳夏六月授江華府使己未冬十二
月秩滿還京庚申春三月丁憂廬墓沔

川天啓癸亥春二月以田監軍接伴使
往關西夏五月還京冬十二月以毛都
督問安使抵鐵山檄島甲子春二月還
京三月下獄遠竄鏡城乙丑春三月量
移洪川丁卯春正月遇赦放歸沔川崇
禎戊辰夏六月被薦起廢拜江華留守
庚午冬十二月秩滿而適辛未春正月
還京夏四月拜咸鏡道觀察使今年春
三月引疾而適夏四月差奏請副使五
月初五日還京六月初一日奉表而行

由海路赴 帝都余年六十有二歲自
登第以來三十四年之間十除外官六
奉使事出入四方凡二十四年前後居
廬共六年謫居共四年終一歲在京城
只乙卯丙辰兩年而已居廬時甲辰謫
居時甲子兩年
亦在二十四年之中
二十九登第星三十四移公齋十倥傯驛路六
驅馳縲紲中何事朝廷上幾時一帆今萬里童
頂齒踰耆

六月初四日庚午渡臨津有感

余於萬曆辛丑夏以進賀使書狀官赴
帝都冬以遠接使從事官抵義州時仍為
禮曹正郎壬寅秋以按覈御史抵龍崗
泰川等縣時為工曹正郎天啓癸亥春
以田監軍接伴使往關西夏還京城時
為禮曹叅判冬以毛都督問安使抵鐵
山撤島時由刑曹叅判新拜戶曹叅判
甲子春還京城自辛丑迄于今崇禎壬
申三十有二年之間前後西行皆過是
津故作為長律一首以志之

六月羈襟鬱未開臨江濯足一沿洄辛壬癸甲
年間過戶禮刑工部裏來蓬髻都拚白如雪烟
波不改碧於苔飲水又向燕京路心愧新川舊
釣臺

六月初五日辛未留松都

半月荒城滿月臺東庵居士又西來辛壬冬日
鞍三駐癸甲春風旆再回古國山河猶未改嚴
程老病自相催黑頭渾白成何事三十年中詠
七哀

留贈族兄明甫

七十年來樂一瓢閉門城市卧蓬蒿天磨山色
連穹碧不及吾兄志氣高

六月初七日癸酉發松都留別平康縣監
姪仲木天啓甲子之竄姪隨余行過鐵嶺
至安邊而還今又來送於松岳山下故書
以慰之

我家兄弟篤天倫叔姪同居汝最親松岳山高
相送地鐵門關迥獨歸身乘槎試問壬申夏禦
魅何如甲子春生死定知時命在不須臨別動
霑巾

奉寄咸鏡北道評事徐然秀甫

一醉咸山萬戶春，夏雲回首各天垠。征西驛路

朝京使，鎮北轅門佐幕賓。朴瓊秀才真國士，李

蘭叅奉豈鄉人。官樓下榻能相迓，每憶蠻珍餉

逐臣。評事時住鏡城兵營，鏡城居校生朴瓊叅奉李蘭乃余寮，請時甚見德者，故篇內云。

松京路中贈別法林長老歸摩尼山寺

林師七十少，五歲岳叟六十加。二年出家每遭

岳叟罵，八朝今遣林師憐。酷日當空爍金石，陰

霖連月翻山洲。師歸高卧叟西走，渤海摩尼天

壤懸

曩日吾怜汝，如今汝笑吾。白頭三伏熱，萬里走

皇都

黃州太虛樓逢崔醫正俊成書示亡友權

石洲所贈絕句索和甚懇，聊次其韻作為

二首以志存歿之感云

太虛樓七上，三十二年中。白首懷人淚，存亡事

不同。余自萬曆辛丑夏來過黃州，凡七度曾與石洲共登是樓。

綠柳朱闌畔，紅蕖碧沼中。傷心今夜月，細酌與

誰同

留贈中和通引金峴日用甲子春舊韻

脫身聞自賊中歸却憶孤臣下獄時回首九年
重暖眼兩般心緒一般悲

丁卯胡亂現陷賊
進還故篇內云

練光亭口號

天啓甲子二月二十日余以毛都督問
安使自鐵山檝島迴過平壤三月十二
日繫獄被鞠謫配鏡城四月十五日行
過咸興今年三月二十日以咸鏡監司
辭病蒙遮四月初十日發咸興未及還
朝是月三十日差奏請副使五月初五
日入京城六月初一日奉表而行今到

平壤乃崇禎壬申六月十三日也

甲子二月過平壤四月飢走咸興城如今四月
咸興發六月醉吟平壤亭投荒縱非涉海險繫
獄何似朝天榮一嶺東西九載內老身可笑同
浮萍

練光亭次杠城明宰廷汝固見寄韻

乘槎此去似登仙誰向玉程說獨賢直見寰瀛
接河漢未愁胡壘隔幽燕雲帆破浪風千里
酒題詩日百篇報道阿咸休問訊丈夫行止在
蒼天

北藩雷謗趣回車誰料西征霈澤加 聖代免
投曾母杼頑軀甘泛漢臣槎義同召役仍隨世
時異遊方敢顧家小阮只知癡叔老在詩關路
獨含嗟

四首新詩錦不如忽驚旬月五馳書薄裝誰助
行厨費重贖應傾縣廩儲宦海覆舟元蕩瀆世
途摧軸極岵嶮鸞棲枳棘終堪歎老子方期到
尾間

浮碧樓詩問幾題練光亭酒憶頻携烟霞錦繡
春山外草樹綾羅晚鳥西鷓首重迴成鶴髮雞

鳴獨坐到烏棲肩輿欲訪歌鐘地兵後官城夢
自迷

再用題字韻寄酬從姪汝固

嶺路三傳手自題一樽郊墅記分携節旄尚惜
踰關北舟楫偏驚渡海西何忍老年常遠別每
期窮谷共幽栖沮江烟月曾遊地獨倚高樓旅

思迷

去歲仲夏余赴關北汝固來
饋於東郊別墅故篇內云

咸鏡道觀察使金重胤遠送厚贖枉寄別
什輒用其韻而謝之

昨日征車到大同生祠德業至今隆方思庠節

臨關別忽見魚書隔嶺通萬里滄溟輸禹貢九重閭闔啓堯聰
儀偏荷交承義不為吾私定為公

謝疾閒居此計非誰怜身老力尤微帝城隔海真難料使船經春尚未歸
贖及遠塗今獨厚資專清節古猶稀瓊篇一詠三回首夢逐關雲度嶺飛

十載遼河不解兵却乘孤艇入皇城極知人事皆由命莫道文才獨擅名

薊門河日虜氛消寧遠城頭夜擊刀入奏帝

庭航海去鎮東關路夢迢迢

咸興府古號鎮東

大同江上戲荅高山許察訪櫻春容咸興

李判官有謙鳴吉書問

六十如今又二年黑花遮眼雪蒙顛帝鄉此去何時到陸走三千海四千

浮碧樓前回白頭咸關芳草至今愁煩君莫問征人事萬里鯨濤一葉舟

戲贈平壤老妓雪娥

行到西州人共嗤英絲無復舊時姿傷心三十年前事說與箕城老雪兒

戲贈平壤病妓桂娘

關路烟塵戰伐多，須城寥落舊笙歌。十年重到
腸空斷，霜髮秋官病月娥。

平壤江上逢金右尹德得之以撥烏接伴

使還赴京城率題贈別

給傳歸朝急，浮槎涉海遲。一身俱汎梗，雙鬢各
垂絲。落日臨江別，危途隔歲期。大同城畔柳，空
折向東枝。

題練光亭

十二闌干百尺梯，嚴程暇日獨攀躋。翠簷曉拂

丹霞迥，朱棟暗臨碧嶂低。江淨月明天上下，野
平雲闊路東西。山河信義非鄉國，目極皇州
意轉迷。

籍甚關河第一州，萬方形勝此江樓。簷西赤日
雲邊沒，郭北青山水上浮。閭閻樹陰連睥睨，舸
船歌響散汀洲。可憐戎馬交馳後，烟火蕭條滿
目愁。

練光亭戲書遣懷，余以六月十三日己卯
來到平壤，留寓是亭，至于月末。

老夫疑是謫仙人，獨愛樓居坐匝旬。窓豁身如

東山集卷之二十一
十一
出天地簷高手可摘星辰尋常魚鳥忘機久頃
刻雲烟變態新 帝里莫愁溟海隔飄然直欲
駕颺輪

七月初一日丁酉書于練光亭中示同行
暫輟行謀半月留曉風吹暑忽驚秋青郊樹色
分紅靄白日天光浸碧流節序自生遲暮感江
山都入別離愁前途欲問重溟闊獨對孤雲不
下樓

七月初五日辛丑發平壤次甌山縣用東
軒板上韻二首

先朝壬寅秋余以水曹郎忝承按覈御
史之命十月來宿是縣荏苒三十載之
後今始再到 慈御上賓諱音奄降乃
於縣庭即日舉哀踴踊殞裂倍萬常品
故首篇云

歲躔玄默月臨陽綉芥兼舍粉署香卅載再來
逢此日秋風回首鼎湖傍
秋雪高齋隔沔陽決明花入夢中香征帆涉海
歸何日承露金莖一氣傍

奉謝平安道觀察使閔叅判聖士尚兼東

咸鏡道觀察使金判書重胤

北門嬰疾乞南歸老涉風濤本不期旌節未逾
關嶺日簡書先出省曹時昇沉宦味分賓位冷
暖人情在贖儀高義堂堂兩方伯獨憐行色去
毛皮

閔監司士尚以白紬綿襖子見遺

時新禮國故

有此贖也

盛時三道伯清裁萬人豪氣壓東溟閩名懸北
斗高平生青玉案詎報白綈袍疊雪燕山路羈
心折大刀

石多山下留別閔秀才晉明允

莫恠儒冠誤壯年君今氣銳志逾堅錫名本慕
陶元亮負姓曾從閔子塞棠樹鯉庭勤講藝桂
枝龍榜待登賢相逢何晚翻催別一點燈前萬
里船君乃方伯之子年今三十一歲

寄謝咸鏡道土官營吏遠致行贖

土官李得春營吏崔岬等三十八人各
送文魚大口魚昆布等物以備贖儀迨
及於平壤石多山下海浦乘船之地

咸關二十二州中誰向棠陰念老翁嶺棧架雲

驅倦馬海濤春日泛孤蓬土官獨抱仁人意鄉
吏能追國士風坐見薄夫應汗面路資相贈蒲
筠籠

贈別咸興驛子林德生

德生咸興府屬驛咸原驛子也余按本
道以馬頭從余行凡十有三月今聞余
涉大海赴北京來送余於平壤石多山
見余登船乃去自咸興至平壤冒潦雨
揭澗溪出入山谷迂道而來一千餘里
也自石多山至寧遠衛海路四千餘里

也由海路而往有往無還者十常二三
也余年六十有二歲素多疾病在人世
能幾時也以今日之身有今日之行萬
萬無一可冀也必矣若德生者其豈非
無所爲而爲之耶於是乎書以爲之別
云時崇禎五年壬申秋七月既望也

跋涉山谿遠送行咸原溽雨隔箕城三千里海
孤帆轉六十年翁百疾嬰社子句中翻覆手翟
公門下死生情誰云馬卒能如此薄俗堪留義
士名

戲答端川品官校生鄉吏官奴等書

品官金德峻校生李重明等一百十四人及鄉吏官奴等收合白金專人輸送以備贖行之儀戲題兩絕謝其意而辭其物云

孤槎誰問雪盈簪冷暖人情驗淺深却恠端民念舊宰萬重關路一籬金

三字名堂不易心老來猶憶芥千金裝囊欲貯諸君贖恐遣山靈笑舊箴

七月十六日壬子晨起與上使書狀官暨

一行負役行三神祭

平壤石多山下海岸高嶺之上除地為壇

乃大海龍王小星三神設祭之所也赴京使臣乘舟下海之日例必躬行祀事潔誠祈禱云

雞鳴沐浴整簪紳共掃山壇拜海神雷雨龍王騰躍異颿風箕伯簸揚頻焚香祝史祈冥隲捧幣齊官薦潔裡行見鯨波清似鏡檣烏無恙入丹宸

甌山李明宰晉美送酒餞行分餽舟中人

西河綠酒餽同舟黃帽長年坐上頭五十六人

齊一醉蒲帆飛度鐵山秋甌山古號西河鐵山甌山在旅順口之西南

險乃海路也

到石多山口占

皤然六十二家翁一片征帆萬里風寄語交親
莫相憶碧天星月照丹衷
聖朝無用鬢成銀只合乘槎入 帝宸雲浪似
山誰更怕寸心曾不負蒼昊
石多山下海連天西指中原在日邊此去旅懷
君莫問黑風吹浪片帆懸
征帆初舉楫聲齊直指遼河落日西欲向鱸頭
望京國白波無際碧天低

七月二十日丙辰舟次檄島

昔謁毛都督轅門鎮海隅九經春又到三易帥
相誅寂寞龍蛇陣蒼茫虎豹符老儒空擊楫誰
斬大單于

檄島書感用前韻

玉帛重溟上烟塵大道隅遼兵新梗化胡羯久
稽誅國倚持戎節民懷佩使符箕王古封域試
覓姓鮮于

絕島西關外窮荒北塞隅國恩那可報臣罪不
容誅九載重回櫓三章乍解符平生弦自佩性

比董安于

舟中戲題

文藝初非冠世賢敢言忠孝道終全三朝歷職
家徒壁萬里銜綸路是船日月星辰天在上蛟
螭鯨鯉海無邊直將微命輸 玉皇高枕蓬窓
晝自眠

鯨域微臣鶴髮踈西行又入 玉皇居誰言渤
海今浮鷁每憶遼陽昔跨驢禮部正郎兼御史
刑官叅判假尚書此身六十年堪笑萬事都成
一夢虛

萬曆辛丑夏余差進賀使書狀官赴

皇京路由遼東雇驢騎行時爲禮曹正
郎例兼司憲府持平今以刑曹叅判假
銜禮曹判書乘船渡海入往中原而年
至六十二歲故戲書以志云

七月二十五日辛酉次車牛島

走盤山馬憶丁年皓首今乘檝島船疆縮忍拋
遼異域侵纏羞戴虜同天歸田晚計陶元亮蹈
海初心魯仲連目斷鳳凰城下路秋風獨立撫
龍泉

七月二十六日壬戌阻風留車牛島三日
島屬平安道鐵山府乃我國地盡之處西
則大海北則島嶼皆是遼東地也
海闊東韓地盡頭鐵山孤島彌車牛陽侯似識
孤丘意故遣西風逗客舟

車牛島遇西北風不止

十日纔通一日程西風却趁北風生慣經平地

行多阻蓬屋偏耽午睡清自石多山西至檣島

西至車牛島水程一百四十里若遇順風一日
可到而余以七月十六日始發石多山西北風
起舟不得行二十五日始次
車牛島在舟中乃十日也

車牛島舟中遣懷戲吟

人愁入海帆檣動我喜登舟几席安
久謝醉徒仍止酒遠離嬌妾倍加餐
心清已覺睡無夢事少偏忘身有官
最好天容與水色柁樓長作畫屏看

俊氣平生隘八紘一身無地豁幽情
方知鬱鬱人間住不及飄飄海上行
眼絕小兒翻覆態耳空諸子是非聲
槎頭背指蓬瀛近欲拉群仙躡太清

七月二十九日乙丑朝發車牛島久次鹿

島舟中北望義州有感口占

舉帆催趁曉，暎晷宿靄全。消霽景澄地，豁龍灣。
山一點天低，鹿島浪千層。曾經遼柱歸，仙鶴會
見莊溟起。大鵬舌路至今連，禹甸不堪胡騎日。
憑凌自車牛島西至鹿島四百六十里
中有薪島小獐子島大獐子島

鹿島舟中

老汗曾厭走窮荒，却卸征鞍入海航。風浪西來
秒畧晶雲巒，北去暮蒼蒼。箕封已盡，父母國遼
界今為戎狄鄉。欲斬單于獻，天子腐儒無路
借干將。

八月初一日丙寅避風留泊鹿島

萬曆辛丑初朝天，鞍山赫日徐着鞭。斯行却避
犬羊窟，鹿島颶風催。纜船年今六十，昔三十路
始二千。終五千，男兒心膽老益壯。直欲挈戈清
海堧。

八月初二日朝舉帆將發風逆仍留

日出纜初解，風回帆却收。移橈尋港口，下碇避
濤頭。遇境始堪喜，計程方自愁。滄波九百里，一
十六維舟。自石多山至鹿島水程九百里
中間阻風不得放船凡十六度

八月初三日夕次石城島是日朝始得東
南風放舟而行

迴波一何壯兩日又停艦獨對僕夫睡忽聞舟
子呼東南風不止六百里斯須鼓柁過黃鶻遼
山生坐隅自鹿島至石城島水程六百

石城島舟中戲占絕句

積水涵空碧森漫衝風盡日不生瀾船頭笑向
篙師問岳老曾襟較孰寬

碧海連天宿雨晴中無一物點空明船頭笑向
篙師問岳老曾襟較孰清

八月初四日己巳大風雷雨留石城島
昨夕浪鋪練今晨波湧山風驅雨聲急電掣雲

氣頑舵尾跳回港舫頭推曲灣蒼黃揖師語怵
惕篙子顏天意變俄頃象生如等閑老夫獨大
笑浮世本多艱

八月初四日夜宿舟中夢聞亡友尹監司
定卿國安自北京回到關西因忽驚覺而起
君曾為德源府使有清德仁政碑

鐵關遺愛立穹碑駐馬春風淚濕衣今日滄溟
何處吊夢中空報故人歸鐵關驛在德源府內

八月初五日庚午朝晴放舟次長山島至
夕大雷雨自石城島西南至長山島水程三百里

身古集卷之二
二十
徹夕西南起大風詰朝風自北回東榜人換柁
乘潮上舟子懸帆趁日中巨浪初熾經瀕洞洪
波忽喜入沖瀨晚未驟雨雷霆闢真宰還應戲
老翁

長山島舟中戲贈洪叅贊洪掌令兩公

風蹴飛濤挾雨聲幾人今日不心驚莫言東岳
先生老好逐洪夫子並行

碧浪高於碣石山幾多愁去更愁還若無七字
東翁句渤海風烟萬古閑

八月初六日辛未避風留長山島

大長山對小長山高隴坡陀浸海灣兩島作門
分上下一村無徑住中間土宜豆黍居堪樂人
厭雞豚賣不悛曲岸况聞飛濤隔泊船秋夜且
開顏

八月初七日壬申舟中口號七月十六日
始發石多山乘舟浮海今已二十日計水
程僅至一千八百里云

水路寧遠衛四千餘里間纔行旋告止未往敢
思還惡浪固堪畏順風今尚慳八舟二十日始
得到長山

八月初八日癸酉阻風仍留長山島

曉起問三老惡風今更吹山前白日出天際黑
雲垂已矣同行者吾其任所之船窓對漚鳥且
可一題詩

長山島舟中遣興復用石城島韻

天高只有日海闊更無山身自與雲遠心非如
石頑忽逢青草岸共泊白沙灣卷幔且游目扣
舷時解顏躍波認魚樂眠渚見鷗閑正愜平生
趣聊忘此路艱

西泊石門島北瞻狼子山謳吟 天子聖戰聞

羯奴頑豕突塵飛塞鯨噴浪蹴灣泛槎今白首
馳傳昔朱顏楚狄英雄困燕歌志士閑何由叫
閶闔一劍濟時艱

留泊長山島北風連日不止舟人禱于三

官廟戲示同行諸君廟在島上乃天
地人三神云

獨島三官廟危檣八月舟迴風無日定激浪與
天淨我已忘生死君何問去留不須煩禱祀人
世本悠悠

長山島舟中即事

艤船唯待掛帆行誰向窮溟預問程天柱曉傾

驚浪湧地與宵轉怒濤鳴每呼水吏占風候獨
對通官記島名艫上長年諳海事賽神常趁日
初生

八月初十日乙亥朝起作

去國垂三月逢秋屆四旬海陰衣袂早風逆繫
舟頻道路炎涼日朝廷寵辱身人生各有命不
必祭波神船人好祈禱每朝祭海神尚無靈應故云

八月十一日丙子午驟雨雲霧晦冥雷霆
大作極可畏俄而雨止天無點雲海山如
洗喜甚口誦時留長

龍公不解客心催更遣行船滯曲隈霹靂一聲
驅雨過波濤三面蹴天回雲容霧氣須臾滅海
色山光表裏開安得長風起東北短帆斜掛着

蓬萊

登州城中有蓬萊縣本漢東萊郡城北山上又有蓬萊閣

八月十四日己卯夜坐對月戲占一律阻
風長山鳥時已十日廣鹿島在於西南間
東南東北風可以張帆進抵而西北西南
風連日大吹舟逆不得行同來各船屢設
祭三神禱祝無驗故篇末云

東南風去西南止西北風留東北行行止去留

吾有待東西南北汝誰令縻舟七日又三日詠
月四更仍五更侗子祝神徒自苦聽天寧識壯
夫情

八月十五日庚辰晨起戲吟

朔風吹浪拍行舟十日都無一日休長島有神
應好事強留東叟詠中秋

八月十五日東北風乍起午發長山島行

向廣鹿島至夕潮退西風繼作留泊海中

小島船上夜吟用前韻

小島或稱廣鹿島

前島曾聞廣鹿名東來十日始西行遲遲却復

同尼父急急無因似律令潮落風高依小嶼參
橫斗轉度深更一年最好中秋月誰識孤舟遠
客情

八月十五日舟中夜坐對月戲賦是夕天

陰雲霧相蔽及至夜深北風甚勁六合如

掃月色極佳

白玉輪高夜輾遲層霄巨海碧琉璃不因薄霧
初成障那解長風特效奇秋月曾遺木華賦洞
庭徒入謝莊詞天公萬古應留恨故遣東翁此
詠詩

中秋月夜舟上作

北來風伯送嫦娥屏翳黃昏悔作魔海闊本知
為物巨月明方見此宵多青山魍魎愁丹壑黑
水鯨鯢舞白沙玉露滿衣涼徹骨孤槎西上到
銀河

白露如珠滴太空乾坤無閼闢鴻蒙虹蜺霹靂
明昏變河漢滄溟上下通萬里天長唯見月三
更海晏不生風龍鍾健筆終何用此夜詩爭造
化工未聯一作扁舟此夜東
韓客晚詠新詩向紫宮

東海若無中秋月碧波千古空烟雲中秋若非

東海水冰光萬里皆塵氛金風玉露幾今夕桂
棹蘭橈唯此君欲題新句記清景名姓恐教天
下聞

憶凭熊軾到龍城夜上譙樓待月明軍壘旆旌
分組練妓筵琴瑟間簫笙鳳池別駕初連榻麟
閣元戎屢舉觥去歲後遊今似夢扁舟空趁海
潮行右記去年中秋巡到鏡城與兵使
李公沆判官李君桂翫月同醉也

三韓絕塞木郎城海月中秋一鏡明赤幘軍伶
白鶴鼓碧衫官妓紫鸞笙東西斥候皆高枕文
武宵僚徧巨觥誰道團樂兆今夕舞筵曾唱棹

歌行

三韓絕塞一作并韓雄府一鏡一作玉鏡右同上憶鏡城舊遊而作

中秋對月復用河字韻

月宮秋淨怨嬌娥
迢遣人寰破睡魔
丹桂影浮星點少
白蓮香濕露華多
明翻烏鵲林生籟
冷蟄魚龍海偃波
子夜木蘭舟上立
鳳城臺殿隔天河

八月十六日辛巳曉遇東風朝到廣鹿島

西風又起留泊有作七月十六日始登船今已批日

一月舟中宿三秋
海上行衣中蒸澤氣
枕席震濤聲
瞞冷餐常吐身
歌坐不成疾風吹更逆安

敢卜前程

自長山島西南至廣鹿島水程二百里云

舟中夕望

三山島東望白洋中

日落玄雲合風生白浪翻
孤舟何處泊不復見乾坤

舟中夜坐

八月十六日西風旋北朝發廣鹿島行向三山島及

于風微留泊海中過晚次平島自廣鹿島西至三山島水程一百五十里或云二百里我國船人所稱龍王堂在於三山島平島兩島之間

日暮風猶利張帆信夜行
無人能記里有嶼不知名
海靜潮初退天清月又生
三山島忽過舟

似一毛輕

八月十七日壬午雨留平島

去亦哦詩佳亦哦一扁舟外幾風波八又島月

三山雨始識皇天餉我多

八又島在長山島西南間

八月十八日癸未阻風戲詠

一帆高掛兩宵中底事西風不復東平島亦非神作惡也應求句挽詩翁

戲贈洪叅贊洪掌令

八月十六日晡遇北風叅贊掌令及余所乘之船一時齊發於三山島東邊海

中掛席夜行余則船行甚疾十七日鷄

鳴先到平島叅贊掌令則船行頗遲夜

深風微留泊於三山島北岸港口十七

日朝猝遇狂風大雨如注舟不得行十

八日夕始到平島叅贊掌令皆好祈禱

屢設神祭余獨不為人皆以事不知為

咎今則兩公所乘之船反出於余船之

後加以經風浪之險良可一大噓也故

戲占絕句以為後日之覽云

風送三船趁一時一帆何疾兩帆遲諸公枉費

祈神力不及癡頑事不知

八月十九日甲申朝遇東北風午到旅順

自平島西至旅順口水程四十里中有龍王堂在於北港

柁工晨起叫篙工半是東風半北風促掛雙帆

向西去黃金山下日纔中黃金山在旅順東岸之上

旅順城下泊舟遣懷

浮生無帶似飄塵一瞥羲娥轉兩輪春雨咸關

輶啓路秋風遼海舶迷津衰年霜髮隨身遠絕

域雲山入眼新榮悴元知有定分敢將行止謾

尤人

八月二十日乙酉朝入旅順城中見黃都

督一行路狀未及受出不得發船二十一

日風雨大作二十二日西風不止二十三

日仍留城下都督黃公名龍時自擬島移鎮是城

十日長山二日平鳥更堪三日此縻於旅門旅

港口舟人皆稱水門巨港今雖到鐵角鐵山皆乃海路極險之屢山如口角

故以皆為名云回崎尚未經高浪駕天風浙浙亂雲籠

海雨冥冥覺華前路何時達一月行曾九島停

自石多山至旅順口水路所經身彌島撥島車牛島鹿島石城島長山島廣鹿島三山島平島

共九島自七月十六日至八月十九日乘船已過一月曾於每島阻風停舟故云

八月二十三日戊子旅順口舟中

聞說登州破萊城又被圍遼民仍作逆漢將未
宣威列島人情變中華土俗非水程何日盡無
地避危機

八月二十五日庚寅夜遇東北風起發舟
出港時留旅順城已六日矣

三日復三日北風還北風雷車轟大壑雪屋轟
層穹所懼淹明命誰思護薄躬夜深天借便孤
掉逐征鴻

八月二十六日辛卯阻風鐵山嘴自旅順
口西至

鐵山嘴水程四十里七月十
六日始乘船今已四十日也

涉海三千里登舟四十朝每尋垂死急方覺去

生遙鰲島秋陰晦鮫宮夜動搖前途今尚遠颶

起又停撓自石多山至鐵山嘴大抵
水程二千六百十餘里云

八月二十七日壬辰舟中夜吟

少小猖狂晚放慵鬢毛無愧雪鬢鬆家中幾破

萬金產世上不求千戶封麋鹿鳧鷖滄澤岸薜

羅松桂白雲峯白雲臺在
三角山今來一艫鐵山嘴三

夜卧聽風浪春

鐵山嘴舟上復用旅順城下韻

幾年遼塞靜胡塵秋月舟中再滿輪虎窟連關
山有障鯨波蕩海無津老身許國心逾壯絕
境題詩語自新鐵背忽經風雨夜也非虛作太
平人

八月二十八日癸巳朝遇東風初發鐵山
背東岸及午風逆還泊西岸復用停字韻
相風竿靜海潮平催喚篙人早肅舫方位僅能
分象緯土疆元不屬圖經山前怒浪初噴薄天
末頑雲忽宵冥捍索却收回別港坐看孤鴈去
無停

鐵山背船上戲題絕句投諸海中

子孝臣忠與弟恭日星曾照此心曾已知六十
年無愧一首新詩賽海龍

八月二十八日夕雲物甚惡大風將起趣

櫓夜行移泊羊頭凹

自鐵山背西北至羊頭凹水程二十餘里

鐵背浪最急羊頭波較平日邊一氣暗天際電
光明三老忽驚叫一更方趣行鳴撓去達曙故
避惡風生

八月二十九日甲午微雨留羊頭凹

海道異平陸尺波難自通四句徒費日五兩幾

占風艱危死生際動勦晨暮中北賊南汛口凍
雨又漫空

八月三十日乙未朝遇西南風午過雙鳥

夕次南汛口是日海中風浪極險自羊頭

至雙鳥水程二十五里有雙鳥
西北至南汛口水程四石餘里

別島秋毫小戕風起海濱目中皆黑水頭上但

蒼旻巨浪崩騰急孤舟出沒頻梢工例歌笑到

此泣祈神

猪毛島洋中口占

島在雙鳥之北
相去二十餘里

黑浪翻時白浪頽湧如山屢殷如雷帆檣不定

全歌側盡日風中去却回

九月初一日丙申南汛口待風艤船

今日是九月一秋餘幾時船中兩晦朔岸上半

華夷迅渡行逾惡長風待每遲女兒河最遠利

涉且難期女兒河在寧遠衛西城外

九月初二日丁酉大雷雨留泊南汛口

風濤日夜泥常程七月舟仍九月行海若不知

至事急更教雷雨阻寧城寧城乃寧遠衛而寧遠衛乃下舟登陸之

處也發南汛口至寧遠衛
乃是順風一日程故云

南汛口舟中復用鹿島將字韻

松菊山厄徑久荒北轍纔返促西航下僚拓落
慙腰紫中歲清狂憶臂蒼朔雪早飛青海路溟
波遙接白雲鄉家兄此日應相望絕島題書未
寄將

九月初四日已亥夕遇西南風放船南汛

口夜二鼓南風大起掛席渡海直抵覺華

島日初出矣

自南汛口北至覺華島水程
或云六百里或云八百里或

云一千餘里島在
寧遠衛南港之中

四望天無際三更斗正中艫頭向北陸帆腹滿
南風大海成平地微誠徹上穹西接覺華島晴

旭始生東

覺華島舟中書事

七月十六日壬子發平壤石多山九月

初五日庚子到寧遠衛覺華島初八日

癸卯登陸入城存舟中凡五十一日

梧桐初落沮江城遼岸蝦蟆缺又盈鯨渤三千
里潮汐息舟五日陰晴怒霆擊水天關破狂
颶衝山地軸傾篙子今朝始相賀茲行恐懼冠
平生

九月初八日出舟入寧遠衛

恭承 王命奏 皇京白首朱炎入海行颶母
掀波坤軸轉雷公劈浪日輪傾曾無一事欺天
地幸有三神護死生寧遠城西菊花節舊時亭
長笑相迎

九月九日

塞鴻飛斷夕陽邊一望鄉山路四千渤海風濤
蛟鱷窟遼河氛祲大羊天黃花幾處開佳節白
帽何心落暮年忽憶雉城今日會錦筵絲管擁
戈鉞雉城乃鏡
城古號也

九月十六日辛亥留寧遠衛黎明天乍雪

至夕水微冰去歲是日發吉州城津踰磨
天嶺次端川

北岳朝飛雪南河夕結冰寒雲四面散霽月一
輪升遠役何時了羈愁在處增去至當此日伊
板嶺晨登伊板嶺乃磨
天嶺古號也

九月十九日田寅發寧遠衛憇沙河所宿
東關暝余於萬曆辛丑九月十九日癸丑
朝發中後所午憇曹庄驛夕宿寧遠衛前
後三十二年之間往來日月乃與之相同
故書以志之沙河所乃
中右所也

辛丑九月十九日東歸夕宿寧遠城如今九月十九日午辭寧遠城西征山河不改暝烟起日月相同秋鴈橫獨恨書生鬢成雪遼州又入女真營

九月二十日乙卯曉發東關過中後所

乃杏

林午憇沙河驛過狗兒河夕次前屯衛

別

陸乘車替水乘舟此去浮生幾日休塞雪漫山犯星發海潮衝島守風留每憂旅魄埋魚腹誰厭行塵撲馬頭一望皇城尚千里老懷無復

問清秋

二十一日丙辰過高嶺驛午憇中前所宿山海關外羅城道中述懷東自寧遠衛西至山海關自經奴賊長驅蹂躪二百餘里之間各鎮城堡盡為頽毀諸店舖舍大半焚燒人民生聚之盛無復如曩歲所見也杏林曾策北歸驢西指榆關此駐車傍塞驛程皆有店連年兵火半成墟心同萬里城猶壯鬢與三秋葉共疎樽俎折衝誰更在至今遼野入穹廬

二十二日丁巳入山海關

三十年前鬢如漆走馬九月朝天迴三十年後
鬚如雪乘槎九月朝天來遼水至今何蕩滯遼
山依舊空崔嵬闔門小吏不相識按劍獨望單
于臺

贈趙秀才鉞

山海關內雲野趙公鶚乃舊時主人翁
也雲野暨其子以旌以旂孫國璧國塗
國塵皆已歿國璧乃以旌長男也生一
男調元字顯吾年今三十二歲係武生

以旌次男國壘今改名錦字德恒年今
三十三歲係庠生生二男長曰世澗次
曰世法以旂之子國壘今改名鉞字德
溥年今三十五歲係廩生生二男長曰
世澤次曰世沛時在雲野所居之里鉞
聞余至輒來相訪因折其廬舊種菊花
見慰旅次意甚勤款聊題近體詩一首
以謝之

執玉西來入帝州東庄下榻許淹留一家父
子今三世萬里山河又九秋獨客形骸元土木

諸孫詩禮是箕裘逢君最喜高風在手把黃花
慰白頭

題趙雲野舊宅

老郎曾入漢關初雲野先生此接裾黃卷聖賢
承世業青衿子弟冠鄉閭清樽送客求新句遠
路逢人寄異書三十二年身再到菊花依舊照
空廬

雲野錢我求詩其總二後因
貢使見寄書籍故頭照云

范家店贈別穆秀才爾瑄

秀才字獻九乃山海衛庠生也生於萬
曆丁酉年今三十有六為人不羈頗能

文世居山海關內因趙鉞來見余於旅
舍蓋以其子為鉞壻故聞余來也及余
行又與鉞携酒饌追送余於范家店余
愛其人而感其意遂題此以別云

穆生辭醴後千載仰高名幸見玄孫在能追白
叟行詞源傾浩汗俠氣吐崢嶸野店三竿日偏
添惜別情

九月二十五日庚申發山海關憇范家店

宿榆關店

關外天寒雪片飛關中河水漾清暉平郊霜葉

初黃落古塞雲山半翠微鄉近 帝畿文物盛
店多商戶野氓稀市樓處處饒鮭菜南北征人
到似歸

九月二十六日辛酉午憇雙望舖夕宿永

平府

曾秣征驢北郭東驛亭重到又秋風閭廛撲地
笙歌裏第宅連雲錦繡中今日頽垣集魑魅幾
入枯骨掩蒿蓬太平時事翻如夢何恨春官作
老翁

盧龍百縣北平城天府雄藩拱 帝京絕漠獨

奴穿漢塞神州民物墮秦坑中朝誤殺袁經畧
上將爭傳祖摠兵幸賴 皇靈同電掃丘墟滿
目尚堪驚

九月二十七日壬戌早發永平府渡大灤

河小灤河午憇野鷄坨過沙河驛七家嶺

新店堡夕次榛子鎮

野闊寒雲重風高老木踈幾年經賊騎無處駐
征車堡彌傳新店城形作古墟行行一百里不
復見人居

九月二十八日癸亥早發榛子鎮過豐潤

縣午憇高麗舖夕宿玉田縣次庠生李克
任韻萬曆辛丑秋九月曾宿是縣東店閤
人高秉玉家今者再到店已易主隣有庠
生姓李名克任字擔荷生於庚戌歲年今
三十有三來見余以紙筆書字問對意甚
殷勤即賦一絕句以示輒用其韻而謝之
玉田東店又秋涼三十年添白髮長當日主人
無處問喜君新句冠詞場

九月二十九日甲子早發玉田縣過樂山
店午憇別山店過蘇州夕次邦均店自未

平府西至榛子鎮一百二十里自榛子鎮
西至玉田縣一百三十里自玉田縣西至
邦均店一百里連三日戴星而行

孤竹城南店漁陽驛北橋碧空寒宵宿黃葉暮
蕭蕭景短晨興急郊長夜宿遙老身翻自哂無
負聖明朝

九月二十九日邦均店夜坐口占是日秋
盡七月初一日曾留平壤

九月今宵破長途過一秋烟霜薊門郭風雨浪
江樓地遠無歸夢身衰自別愁更堪孤店樹疎

葉響音颺

十月初一日乙丑午憇三河縣夕次夏店
西距北京八十里

始擁冬裘日翻敲夏店門旅程兼海陸時候變
寒溫詎敢言身事終難答國恩 皇城行已近
却似到鄉園

十月初二日丙寅渡潞河入通州

再踏燕京路山河日望通驛亭先落日官渡後
秋風虜騎曾經地儒冠謾作翁名州盛文物猶
喜昔年同

十月初三日丁卯宿 皇城朝陽門外翌
日戊辰入玉河館

輔价觀周憶盛時秦城重入恨全違北宸已歷
三 皇帝東徼猶屯一小夷身度海中心尚壯
憂先天下事多危平生慷慨清邊策白首無因
獻赤墀

十月初八日壬申詣 闕行見朝禮光祿
寺設 欽賜酒飯於闕左門內

長樂鐘鳴曉漏殘大明門下集鴛鸞雲開白玉
擎天柱日上黃金捧露盤萬里再朝皇極殿十

年三拜小秋官回看東渤海如夢法酒春濃北
陸寒

館中記事

堵峻三光翳波平六合浮誰云鎖深館不及駕
輕舟事異觀周樂身同泣楚囚旅情空念昔辛
丑月明秋

十月十五日巳卯玉河館夜坐對月六月
之望在平壤練光亭七月之望在平壤石
多山八月之望在小廣鹿島舟中九月之
望在寧遠衛城內一出 玉京三變天時

月夕發矣書以志之

弘濟院前烘赤曦朝陽門外凍雲垂四時遠路
三移律一月高空五轉規練閣石村那更說海
槎遼堞尚堪悲玉河今夜瞻沙峴却喜生還自
有期

玉河館奉贈冬至使李參議行仲吉參議先伯

氏參判伯吉與我同榜擢第

桂籍聯名已交春金池異骨石麒麟黃壚隔世
風流絕白首逢君氣味親廣鹿島雲連海浪窟
龍山月傍胡塵幾時歸把城南酒却話燕行共

苦辛

玉河館奉贈冬至書狀官李佐郎相慶汝弼
君乃石泉李承旨繼之從孫也余與承旨
父未嘗識面萬曆辛丑秋承旨以冬至書
狀官來自龍灣余以進賀書狀官回自北
京始得相過於遼東懷遠館今者余與君
亦未嘗識面是歲六月余以奏請副使先
到平壤府宿留練光亭君時為騎曹郎官
以冬至書狀官七月追至始得相見遂相
繼乘船九月同渡遼海乃於十月又相繼

入北京同寓玉河館前後朝天之行與君
家祖孫邂逅團樂是天幸也余於辛丑年
春秋三十有一君生於萬曆壬寅今亦三
十有一歲抑豈非一奇事也聊占近體詩
五十六字以為後日之覽云

憶吾雙鬢似君青三十當時又一齡石友始逢
懷遠館騎郎今在練光亭鳳城雪月還聯榻鯨
海雲濤共駐艤定識兩家天幸在禿翁休厭託
忘形

題航海朝天圖

萬里乘槎八月天飛濤日夜蹴星躔鐵山雲駭
帆齊舉華島風回纜並牽義重君臣誰擇事情
深兄弟各忘年鮫綃寫出魚龍窟付與兒孫要
世傳

十一月初一日乙未玉河館戲吟時館門
牢鎖防範日嚴人皆鬱鬱不堪其苦

人世本來窄莫嘆扁館門心從苦得樂耳向靜
生喧榮悴回外物是非無定論去留皆委命堅
坐了朝昏

玉河館書感

老疾纏身旅夢驚玉河兩館對寒檠人才未可
分成敗世道誰能一死生紫陌紅塵小兒事青
天白日丈夫情何時歸卧東峯下更聽松風雜
澗聲

除夜

一點寒燈手剔頻明朝六十又三春篇章獨埒
天庭使計策曾傾日域賓豈有姓名垂宇宙尚
無功業畫麒麟烏蠻古館傷頭白只為蒼生不
為身

癸酉元日癸巳詣闕朝賀

閭闔晴開玉殿遙平明仙蹕下叢霄子齡接統
三元日四海輸琛萬國朝羽衛分庭龍馭輅宮
懸合樂鳳儀詔箕封遠价頭如雪稽首丹墀共
祝堯

正朝憶仲氏奉示洪參贊

宿昔元無弟如今只有兄兩身分萬里衰齒遇
新正我每懷坡館君應憶麗京當時別離色隔
歲益關情奉表來時我仲氏追至松京而去故云

附次韻

看雲應憶弟夢草每思兄一別驚周歲三陽

值夏正陟岡瞻故國同神阻 神京萬里層

霄月分明照兩情

月峯

人日憶仲氏

是日乃仲氏初度也

羈心何事獨悽辛正見陽和着物均浮世百年
如過客新春七日又逢人達牙關路迷歸夢執
玉皇都滯病身坐誦掾華詩引領壽觴連歲
負初辰

正月十四日丙午大雪

自到北京一冬無雪

新歲經旬卧曲肱擁裘今日強晨興 帝城冬
暖庭無雪旅館春寒硯始冰飄砌乍驚花着片

壓簷尤喜玉成層獨哦詩句憑誰話百病羈身
一老僧

玉京為客久離群坐聽晨鐘到夕曛臘月曾無
一點雪春天初見萬重雲隔窓灑急寒聲徹連
塢鋪平暝色分真宰丁寧助詩興故教滕六勤
東君

元夕小雪

燈市笙歌徹夜喧蒲團獨坐鎖重門天公定識
羈人意故遣飛霙作上元

正月二十七日己未對雪用蘇東坡又字

韻

曉雞初叫又昏鴉壯士何能挽日車老境身為
燕地客春城雪似漢陽花瓊臺玉宇神仙窟桂
酒薰爐富貴家一紀遼河陷胡羯銜枚直欲渡

三義三義河在遼東牛家庄西

客堂匡坐數歸鴉牆外通衢響麴車春日忽飛
千里雪玉梅相映萬株花不愁東郭先生履却
訝西湖處士家遙憶山園久無主洞門冰塞石
溪余家在墨寺洞溪之下

亂撲層城起暝鴉平堆綺陌斷香車渴喉不羨

金盞露病眼偏驚玉樹花簑唱忍寒漁子艇茗
烟添興翰林家一窓午夢翻成魘銀浪猶疑島
八义長山島南港
外有八島

玉河館雪中遣興去歲冬暄臘後始寒及
至新正一月五雪

臘破寒初重春生雪正多廣庭鳴浙瀝虛館舞
婆婆隔幌催幽興臨窓忍宿病癸貂身事遠空
憶漢江簑

正月三十日壬戌天氣暄和

九十陽春日三分減一分雪晴花信見風暖鳥

聲聞旅邸經冬月鄉關隔海雲何時捧鸞誥歸

報 聖明君

二月初二日甲子留玉河館

元朝元夕忽已過二月二日空復留風暄絳河
宿凍解雪霽青陸新陽浮乾坤萬物摠春氣老
病一身唯客愁北宸鸞綸幾時降曉夢長繞東
歸舟

二月初三日乙丑雪復作

去月冰全解今朝雪又飛青陽失春信白帝天
陰機定有天心在其如物候非經年坐深館且

喜玉成圍

月初四日丙寅釋悶有作

久客三冬日新年二月天人生有定命世事且
隨緣桂玉烏蠻館魚龍渤海船矣奴不解意却
恠課詩篇

二月初五日丁卯詣闕領賞

是日孔提督乃於闕內禮

部朝堂門下捧出 欽賜織金紵絲衣綵
段折鈔箱等物點給使臣書狀一付負役
各有 差

玉殿金門啟曙暉春官點簿賜官衣龍綃綵剪
鮫入室鳳錦香分織女機 聖德似天流惠澤

微臣如草被榮輝避方求作傳家寶屏下彤墀
拜舞歸

二月初六日戊辰留玉河館遣懷率題

觸熱 王畿似隔晨 帝城天氣入春新年
已過雙辛未客日還逢五戊辰粗護病骸資藥
力強排愁緒費詩神咸關去歲聞歸鴈猶向孤
丘愧此身

譯官趙宗益買得梅竹小雀畫絹一幅乃
名筆也乞題其上聊賦兩絕

烟梢半濕湘江雨雪萼初開瘦嶺春何處飛來

野田雀太倉無意逐紅陳

一日此君何可無梅兄風韻與之俱良工只認山禽意不識人間有老夫

一月十五日丁丑朝詣皇極門領 誥命

十六日戊寅晨詣會極門領 勅書

天門九扇闢清晨象服抵承寶命申吏部春官

頌 鳳誥翰林中使捧 鸞綸奉先禮備 明

君孝字小恩加 聖帝仁想到漢陽城裏日寵

章韶景一時新

二十四日丙戌晨詣闕辭朝午進禮部辭

堂

帝京春氣早二月杏舒紅紫誥宣 皇命蒼旻

鑑 聖衷清晨辭北闕亭午出南宮遙想歸朝

日 天顏喜感中

留辭禮部孔主事

一託岍嶮五缺蟾蜍仁風荐被明月續

投鱗眼鵝黃曲軫旅瑣縻身莫報刻骨

何忘弦矢遽分天壤永隔桑榆景迫後

期無日瞻仰高山倍增快悒方言不同

寸心難吐敢綴蕪詞冀垂炳察

黑貂裘敝滯京華
墻仞依仁禮數加
江漢濯襟懸霽月
雲霞繞筆吐天葩
歲闌朱邸擎春酒
冬至彤庭挹曉茶
此去便同兒女戀
白頭無復上仙槎

二月二十六日戊子出 皇城崇文門用

辭朝韻

御柳千條綠祥雲一朵紅
老年紆寵命昭代
罄微衷 鳳詔榮箕甸
鷗衣謝漢宮
清明好風日走馬出關中

崇文門外馬上口占用觀生孔主事贈別

詩韻

屬國東溟路神京北斗城
蓬萊五雲隔葵藿寸
心傾 帝道乾坤大 皇猷日月明
容臺終協贊遠慰 聖君情

附原韻

玉佩辭麟閣金鑣出鳳城
人從天際別酒對
夕陽傾千里春風度一鞭
曉月明柳青延鷺
埃處處掛離情

二月二十七日巳丑次通州去歲十月初
四日戊辰到玉河館今二月二十六日戊

子竣事而行在館中一百四十日
一百四十日玉河深館中重門不得出勺水僅
能通坐卧若羈繫視聽成瞽聾誰知有今夕策
馬逐飛鴻

二月二十八日庚寅朝微雨發通州渡潞
河過夏店夕次三河縣

齊捧天書出 帝閣潞河催渡走周原春風拂
面和無力曉雨沾衣細着痕綠柳似誇舍淑景
白頭偏感荷 皇恩薊門官道平如砥行過旗
亭日未昏

二十九日辛卯朝發三河縣渡草河午憩
邦均店過薊州夕次別山店

寥落三河縣清明二月天深溝朝結凍遠樹晚
生烟店古民風異春寒土候偏 帝州行已慣
隨處認山川

別山店夜起聞鴈是夕夢還 王京

二月人東走三更鴈北飛途從潞陵闢亭到薊
垣稀野樹含春雨庄烟起夕暉經冬鎖鑾館
夜夢先歸

三月初一日壬辰朝發別山店過彩亭橋

午憇玉田縣夕次高麗舖去歲九月晦曉
發玉田午憇別山夕次邦均店故篇內云
晚投別山店早度彩亭橋霜重凋桑葉風輕颺
柳條九秋道去歲三月屆今朝日夜催歸意貪
程不厭遙

高麗舖口驢

遠離鄉國滯孤身歸路心驚見似人古舖翻傳
驢高麗一般村柳十分新

三月初二日癸巳朝發高麗舖過豐潤縣
午憇榛子店夕次野雞坨

午過榛子店夕到野雞村桑落陰風冷鳩鳴麗
日暄老形增甲子長路極乾坤所喜擎綸綉驅
馳不敢論

三月初三日甲午朝發野雞坨過大小灤
河午憇永平府過蘆峯口夕次撫寧縣有
懷家鄉脩襖故事馬上口驢

北地中原路東風上巳時野桃紅未拆河柳綠
初垂俗異蘭亭序鄉非洛水詩老來兄弟隔今
日轉堪悲

三月三日永平道中作

九月九日寧城舖寧遠三月三日灤河渡秋天
杳杳鴻鴈群春霧濛濛揚柳樹龍山落帽人安
在洛水流觴俗非故殊方處處絕朋親令節年
年走道路黃埃滿面形變黑碧石傷心髮垂素
漢陽隔海何時歸征鐸丁東驛亭暮

留贈明字蕭知縣

君名奇棟明字其號也世居撫寧縣年
今三十歲云時適相遇愛其為人甚奇
偉乃以銀粧刀一柄持贈作別
右北平西縣撫寧鄧侯門戶世流名春風淑節

重三日國士瓌姿第一英說話不同神錯莫肺
肝相許氣縱橫古來傾蓋成親故留與吳刀替
越盟

三月初四日乙未朝發撫寧縣過榆關店
午憇深河驛過范家店夕次山海關是日
天陰路中述懷

帝畿寒食日暄妍行渡河津向海堧雲氣作濃
天欲雨野形偏闊樹如烟不愁征馬經春後誰
羨歸鴻到客先若得片帆風與便沮江應見月
輪圓

山海關書示穆獻九趙德溥兩生

一日驅車一百里薊門芳草接榆關蒼顏轉皴
鬢轉白九月征人三月還

三月初五日丙申留山海關西店穆獻九
趙德溥兩秀才各携酒饌雨中見問

西走經年始向東關城宿留驛亭中共携綠酒
來今雨剛愛青衿邁古風千里客心驚戰馬五
更鄉夢怯歸鴻正逢桃李芳菲節白首憑君面
却紅

三月初七日

古戍朝飛檄元戎夜出師凶鋒連寨駐突騎向
關馳磧遠鳴金折城高樹羽旗春空變蕭瑟烟
霧暗邊陲

山海關逢汪處士若選以手寫山水圖一
幅見贈題其上

君名應遴君選其字也生於萬曆辛卯
年今四十三歲以畫鳴於世徽州休寧

縣人云

徽州乃古歙州休寧乃古新安縣

北走薊門雪東歸遼海春歙州汪處士一見兩
心親峯峻石泉細谷深雲木新翻慙白頭客不

及畫中人

山海關逢傳經歷玄又以詩畫金扇湖州兔毫徽州烟墨等物五種見賦

君名其德玄又其字也號庠林生於萬曆辛巳年今五十三歲浙江杭州府人時任山海衛經歷

殷鼎調羹後千秋仰傳巖承家敦素履屈迹困青衫古店聯賓榻春風送客帆天涯萬里夢高義乞華函

山海關贈傳秀才嘉謨

君字君則經歷庠林之子也生於萬曆癸卯年今三十一歲工草隸善作文

南國稱多士逢君眼忽開神駒出月窟仙鶴下瑤臺筆奪鍾王法詞傾鮑謝才桂枝行可折先業在鹽梅

山海關留贈張逸人承之

逸人名翼字承之生於萬曆甲申年今五十歲徽州府休寧縣人

翼以為名姓則張身長八尺鬢眉蒼門聯漢代留侯系宅接婺源朱子鄉道氣遙凌逸民傳風

懷早脫少年場萍蓬乍遇成膠漆鯨域東翁古
楚狂

奉謝汪君選復以山水圖見惠

汪老毫端山水奇却教山水畫相疑從今東去
見山水水亦思君山亦思

題汪君選見惠畫扇

苦竹緣崖密疎松出壑低浮生真可愧不得此
幽棲

樹密雲山遠禪宮傍翠微石樓門不掩應待岳
翁歸

題汪君選山水圖四幅

雲巖峯峯翠霜林葉葉紅重巖一秋日小閣兩
詩翁

古木蒼巖上遙岑杳靄中採芝人不返山晚草
亭空

嵐嶺連天碧人家隔樹陰漁翁獨倚棹山外石
溪深

雨晴層嶂綠喬木蔭灣崎倚杖巖前立漁舟日
暮歸

三月十五日丙午留山海關

三月榆關路歸驂十日留蟾輪今夜滿廂折幾
時休列堡防胡騎崩濤阻客舟遶城花柳樹不
但望鄉愁

山海館書贈傳經歷玄又張逸人承之汪
慶士君選三君皆吳人也

海東箕子國江左闔廬城萬里分區域三盃結
弟兄語言憑寫字詩句要留名別後能相憶天
長月共明

留贈左王穆獻九瀚海趙德溥兩生

山海西關一大都兩家高棟接通衢趙門孝悌

鄉稱善穆室詩書代業儒德溥聖童知世澤左
王賢子見維樞客與信宿留詩別倘向天東記

老夫

世澤維樞
兩人名

三月二十二日癸丑朝出山海關過高嶺
驛午憇中前所夕宿前屯衛時聞奴賊大
陣雖已退歸突騎竊發搶掠頗頻故買轎
雇驟倍道馳行

身跨征鞍手着鞭塞關馳出渡河塹沙場處處
鳴刀斗夜傍軍城坐不眠

留別穆獻九趙德溥時兩君出餞余行於

山海關外十里許地

山海關前霽夕暉主人西去客東歸從今萬里
相思處三月年年柳絮飛

三月二十二日甲寅朝發前屯衛過狗兒
河午憩中後所夕宿沙河所城內

壁壘緣邊擁旆旌黃昏擊柝到天明
邏兵北去歸何晚日出行人不敢行

沙河所書贈主人曹指揮仰山

指揮名應宗仰山其號也年今六十二
歲曾為都司官云

秋日西行春日歸東關大道虜塵飛鯁岑老叟
感時意說與沙河曹指揮

題龍宮寺

傍海龍宮寺經年鰈域人塞垣無草木關路有
風塵故國三千里殘生六十春滄波隔天地不
獨念交親

三月三十日辛酉登舟待風移泊覺華島

島上人居有一石廢戶

古寺春歸盡孤舟客發初烟塵沙塞暗風浪島
門虛隔海迷羈夢踰年阻尺書水村今又見忽

似到吾廬

四月初三日甲子朝發覺華島夕渡大洋
夜過南汛口翌日乙丑午次鐵山嘴

開帆覺華浦直向鐵山東風力西南異天光上
下同雲生孤島外日落大溟中戀主歸心切
宵行促棹工

舟中記憶

去歲六月初一日崇政殿上擎芝函如今四月
初一日覺華島前懸布帆偏慙白首叨明命却
幸蒼穹感至誠手捧皇綸報聖主授簪直

欲卧雲巖

玉軸金函捧德音遼河催發曉橫參龍堂月欲
三分蒲鹿島雲無一點陰比望皇恩天並大
東歸客興海俱深聖心今日方虛行風送檣
烏叶舜琴

四月初三日雙帆第一程侵晨出南港達夕過
東瀛海若欽皇命風師感聖情波平篷屋
靜卧聽棹歌聲

片帆東去掛西風千里滄溟一夜中若使諸公
知此興燕行未必到衰翁

雲黑天低浪接空惡風驅雨蹴孤篷世人若識
今朝事定恠詩翁膽氣雄

海島東南避賊艘短帆中夜涉洪濤風霆擊闢
魚龍吼頃刻舟人白鬢毛

平生豪氣隘乾坤七澤常思一口吞今渡東溟
却回首西行恨不躡崑崙

四月十二日癸酉次甌山縣

九海四千里二年三十旬從今許多士免作等
閑人 聖孝陳竊陞 皇恩布鳳論大東深雨
露草木忽增新

甌山東軒復用板上韻

白頭浮海過遼陽雨露恩深紫綉香鼓吹縣前
翻大笑去時兒女泣車傍

午憇平山玉溜泉作

六月征車四月還 王程誰歎損羈顏短帆飛
過覺華島高枕卧看葱秀山白鳥驚翻黑風外
黃鸞嬌轉綠林間玉京回首發孤笑心與片雲
終自閑

附孔提督酬唱錄

上孔提督帖

名聞諱彌觀生乃孔子六十一
二代孫也曾祖彥齡祖承壽

父弘 萬曆癸巳十一月十五日 生
天啓壬戌科進士時為禮部主事

萬曆二十一年 皇朝討平播逆楊應龍頒

詔天下越明年辛丑夏小邦遣陪臣奉表稱賀
不佞以下价來到京師秋八月適遇 萬壽聖
節進詣朝天宮恭行演儀當其時衍聖公尚賢
朝衣朝冠屹然山立於公侯之列顏子之後伯
貞曾子之後承業孟子之後承光亦來與賀班
矣今者不佞適又充副价以來而主事大人提
督本館盛德光輝得親見之其天幸尤萬萬矣
第未知衍聖公尚賢今尚無恙否而顏公伯貞

曾公承業孟公承光亦何如也冒昧仰稟惶悚
惶悚

附復帖

先聖祖夫子殷人也歷六十四代以及先宗
子衍聖公尚賢當時獲覩光采輒懷想箕子
之墟歸語族中以為非常之會乃今作古人
者十年所矣即顏公伯貞曾公承業孟公承
光俱已先後凋謝盛會不常可勝悼嘆茲辱
念及高誼薄雲當今九原感激况不佞躬逢
祭戰遙臨接高賢之緒論者哉但以功令森

嚴不敢修地主之儀自慚凉凉耳欲有俚作
呈覽幸賜台彌為禱

敬呈孔提督

萬曆辛丑秋不佞以進賀使書狀官來
到玉河館適遇 萬壽聖節八月十三
日暨十四日參行演儀於朝天宮曾見
衍聖公諱尚賢趨進班行足躩如也今
又以奏請副价來請提督廳行見官禮
禮部主事觀生大人張拱中堂鞠躬如
也自東周迄我一皇朝世相去千有幾

歲自關里至我東土地相去又幾千里
也竊念不佞生於外國前後朝京師乃
得親見大聖人之後容色詞氣皆有與
鄉黨篇中所記相合磬折下風儼乎若
摳衣於青衿七十子之列實一生莫大
之幸也不可無一言以志故於是乎嘗
時崇禎五年壬申之歲冬十月初八日
壬申也

辛丑曾瞻衍聖公長身今又拜南宮 大明周
室千年後曲阜箕封萬里中禮樂詩書傳世遠

文章道德比天崇
鯨生敢說通家義
獨喜朝京每震衷

蛙井窺天鰈域東
文宣王後馬牛風
鳳麟忽覩威儀異
河海方知氣像同
耳食幾多資畫廟
舌耕徒解費雕蟲
傳心法在陳編外
儻乞微言破誓龍耳

附次韻

馬首幸無東得聞
賦八風目因骨氣別
不止書文同午夢生
春草寒水語夏蟲
君行誰振鐸愁我作龍
龔五老峯山人孔聞鏢

敬次孔提督扇上韻

猥以蕪語干躋尊
嚴伏竊慄慄被譴斥
是懼豈謂寬仁曠
度曲恕狂俗不惟不
加之罪乃至於貶
損威德特賜寵荅辭
語款密禮遇優隆
自惟外藩下价何以
獲此於中朝大君子
也此實古聖人心
同天地視天下猶一
家之深意爾敬誦
欣踊疑若夢寐且喜
且惕伏未知所以
慶矣區區仰德之懷
不能自抑輒依扇
上原韻作為二篇一
以識榮遇之盛一

以暴感佩之深乞辱加斤教勿以詩者
幸甚萬萬

春官寶篋瀉秋濤東魯名懸北斗高賢路鳳儀
推國器聖門鴻緒挺人豪初驚白雪蒙虛獎旋
愧青牛許俗曹早翊盛時臻至理虞麟齊舞却
蠻獫

遠趨螭陛涉鯨濤紫極紅雲捧日高執禮國朝
司禮局學詩家世出詩豪典形髣髴瞻前聖詞
語丁寧服下曹歸播仁風詭箕甸帝庭今不
納西獫

附元韻

諸先生間關辱臨不佞誼當脩地主之
禮少致軟足之敬而以引嫌之故深鎖
重門不一把臂雖有南樓之興難開北
海之樽不得已稍賦巴人奉酬白雪既
冒蛇蚓之譏亦露足出之醜第以志遭
逢之奇紀壯遊之盛云爾即奉資軒渠
不敢避也詩篋三握未敢端東

萬里蒼茫阻碧濤龍門路迥倚天高誰知此
日朝宗老猶是當年輯玉豪白首不忘詢故

獻青眸謬許視間曹直將道德傳關尹豈但
區區奏旅葵 通家侍生東魯孔聞諫

謹謝孔提督再惠詩箋用贈月峯無任兩
君韻

珎箋再至濫蒙辱和圭復無斃感悚益
深言辭之不荅不容行於所尊敬步嚮
日贈月峯無任兩韻用申微悃詩云乎

我伏希斤教

大庭多士進鴻疇象服聯班響佩球伊呂曉趨
青瑣闈夔龍夕下紫雲樓九重御極千官仗萬

里朝宗八月舟曹出素王今典禮鐵冠垂佇立
螭頭

六十行年一病身玉京重觀憲章新何言赫赫
中朝士却愛皤皤外國人華省本司三代禮德
容偏服四夷賓 聖文天子崇儒術率普仁霑
蹈舞均

敬呈孔提督

冬至朝賀禮畢謹賦長律一首以志外
藩下价曠世之榮輒忘荒拙錄呈求教
子半陽生叶令辰 帝城風候暖如春扶桑瑞

旭昇黃道折木祥雲擁紫宸四海一家周化遠
萬官三祝漢儀新青丘白髮聞天樂拜舞龍墀
頌聖神

附次韻

峻狼脩景啓昌辰上苑丹楓暗渡春香霧帶
樓紛寶篆銀潢錦冊縈中宸班嚴九列嵩山
近光被八荒天表新共對一陽欽舜曆千秋
萬禩拱明神

孔聞諛頓具

敬次孔提督韻

蒙示瓊章震耀人日况息意勤懇復出

尋常至以驚聚散為教尤有所感於心
而不自止也敢伸謝忱乞恕狂僭

一陽初動萬方歡丹宸高臨碧落寒樂奏雲門
諧六律臚傳玉陛肅千官鬱華道士身披葛迦
葉禪宗手握檀詔許入朝齊拜祝 聖心無外

與天寬是口道士僧
官皆諸智班

春風一月挹醇醪五老先生蓋世豪金筵麗詞
雲碎錦玉甌新茗雪翻濤預愁鰈海東歸遠那
忍燕山北望高此日履長偏貢賀乾坤交泰運
方遭

附元韻

夜半緹灰騰素管晴開仙仗不知寒三千全
備秩宗禮九五莊臨漢代官箕甸珮鳴金陸
月騰邦香惹玉爐擅紅雲隊裏天皇案萬國
高呼覆載寬

真人天上醉金醪回首江山興轉豪惹袖烟
嵐噴筆霧濯胸秋水漲吟濤饒今寒入鵝頭
靜只恐春催鴈足高一唱一酬驚聚散疑同
蕉鹿幻相遭

孔聞諱頓具

上行聖公

名汝植彌對稟萬曆壬辰十一月二四日生乃孔子六十五代

孫也時自曲阜開
里來預正朝賀禮

往在萬曆辛丑之秋某以下价到京師
適遇 萬壽聖節進朝天宮預演儀禮
先行聖公以朝衣朝冠立於公侯之列
望之若瑞日祥雲心竊以為莫大之幸
今又充副价以來曲阜觀生大人適提
督本館亦我大聖人之後也仍奉書投
詩以申夙昔景仰之私者屢矣乃於元
日朝賀特紆指導拜上公下塵於闕門
之內恍若摳衣杏壇忝逐七十子之後

其為幸視前日又何如也竊念生於外
藩獲觀上國者千百世千百人中僅有
十一焉况其再乎其到上國獲接大聖
人洪胄者又僅一二焉况能其再乎其
生年今六十有三矣三十年之前既幸
而得人所僅十一者與夫僅一二者三
十年之後又得人所僅一二者至再焉
其為幸之又幸固不可以勝道也至於
迎賓拜起命茶展叙之間俱執賓主之
禮充非夢寐可嘗及也欣踊歎歎無任

感悚之至謹獻近體詩一篇用述盛事
冀露微志狂僭猥瀆竢罪竢罪

玄胄堂堂系素王桓圭世爵煥燹章
參三道紹詩書易主一心傳舜禹湯
辛丑年中仰先烈承天門下接清光
腐儒曠代叨榮遇歸詫東韓激
面墻

附次韻

翩翩使命識 賢王恪共由來循舊章
曾曩真傳明禹範自慙餘系接殷湯
海東霽日承春意燕嶠晴雲映雪光
微末敢云同祖德依

然三命自循墻

闕里孔胤植書

東岳先生集卷之二十

朝天後錄終

